




伊4
1046
57

卷
百九十六之二百二
經籍





74
1046
57

文獻通考卷之一百九十六

鄱陽 馬 端臨 文獻通考 貴與

經籍考

史傳記

國史補十卷

晁氏曰唐李肇撰起開元止長慶間事初劉餗記元魏迄唐開

元事名曰國朝傳記故肇續之

幸蜀記三卷

晁氏曰唐李匡文宋臣周宋居白撰初匡文記盡孝明崩匡周
記止於歸長安叙事互相詳畧居白合二記以宋為本折李為
注取二序冠篇復綴遺事增廣焉

次柳氏舊聞一卷

東坡

利

晁氏曰唐李德裕撰中元中史臣柳方與高力士同竄黔中為
芳言開元天寶禁中事乃論次號問高力士李吉甫與芳子晁
貞元初俱為尚書郎嘗道力士之說吉甫每為其子德裕言歲
祀既久遺藁不傳但記十七事後文宗訪力士事於德裕德裕
編次上之多同明皇雜錄

奉天錄四卷

陳氏曰唐趙元一撰起建中四年涇原叛命終興元元年克復
神都

燕南記三卷

陳氏曰唐恒州司戶谷况撰專記成德一鎮事自建中二年至
太和七年起張志忠終王承元古語有燕南垂趙北際今以其
在燕之南故名然河北諸鎮連叛事迹亦畧矣

建中河朔記六卷

陳氏曰唐李公佐撰序言與從弟正封讀國史至建中貞元之
際序述河朔故事未甚詳備以舊聞於老僧智融及谷况燕南
記所說畧同參錯會要以補史闕

邠志三卷

陳氏曰唐殿中侍御史凌準宗一撰邠軍即朔方軍也此本從
盱江晁氏借錄其末題曰文忠脩唐史求此書不獲今得於忠
憲范公之孫伯高其中尚舛誤當訪求正之紹興乙丑晁公鄮
涼公平蔡錄一卷

陳氏曰唐山南東道掌書記鄭澥撰涼國公者李愬也
開成承詔錄二卷

晁氏曰唐李石撰石與鄭覃李固言相文宗錄當時延英奏對

事開成年號

太和野史三卷

陳氏曰不著名氏但稱大中戊辰陳郡表濤序自鄭注而下十七人本共為一軸濤分之為三卷

太和摧克記一卷

陳氏曰文與上同而不分卷豈其初本耶

野史甘露記二卷

陳氏曰不著名氏二卷記甘露之禍下卷記諸臣本末

乙卯記一卷

陳氏曰唐布衣李潛用撰末又有吳郡李寔者述訓注本謀附益之乙卯大和九年也

兩朝獻替記三卷

晁氏曰唐李德裕撰德裕相文宗武宗錄當時奏對議論元和明黨錄一卷

晁氏曰唐馬永易記牛李朋黨始末自牛僧孺試賢良迄今孤網去位

陳氏曰池州石埭縣尉維揚馬永易明叟撰自元和三年牛李

對策以至大中十三年令狐綯罷相唐朋黨本末具矣永易嘗

著唐職林實錄等書崇觀政和間人也又有馬永卿大年者

從劉元城游大觀三年進士當是其群從館閣書以永易為唐

人大誤也

會昌伐叛記一卷

陳氏曰李德裕撰記平澤潞事

四夷朝貢錄十卷

文獻卷百九十六

合經籍考

三

陳氏曰唐給事中渤海高少逸撰會昌中宰相李德裕以黠憂斯朝貢莫知其國本原詔為此書凡二百一十國本二十卷合之為十卷

東觀奏記三卷

晁氏曰唐裴廷裕撰昭宗時長安寇亂相仍自武宗以後日曆起居注散軼不存詔史臣撰宣懿僖三朝實錄廷裕次宣宗錄特採大中以來耳目聞見撰次此書奏記于監修杜讓能以備史閣討論云

陳氏曰記宣宗朝事凡八十九條

貞陵遺事二卷續一卷

陳氏曰唐中書舍人令狐澄撰吏部侍郎柳玘續之澄所記一七事玘所續十四事

咸通英寅解圍錄一卷

陳氏曰唐成都少尹張雲景之撰言南詔圍城扞禦事

晁氏曰唐韓偓撰偓天復元年為翰林學士從昭宗西幸朱溫圍岐三年偓因密記其謀議及所聞見事止於貶濮州司馬予嘗謂偓有君子之道四焉唐之末南北分崩而忘其君偓崔胤門生獨能棄家從上一也其時搢紳無不交通內外以躡取爵祿偓獨能力辭相位二也不肯草韋貽範起復祿三也不肯致拜於朱溫四也詩曰風雨如晦鷄鳴不已偓之謂矣而朱子京薄之奈何一本整天復二年三年各為一卷首尾詳畧頗不同互相讎校凡改正千有餘字云

陳氏曰具述在翰苑時事危疑艱險甚矣昭宗屢欲相之卒不

果而貶竟終於閩非不幸也不然與崔垂休輩駢首就戮於朱
溫之手矣

大唐補記三卷

陳氏曰南唐程匡柔撰序言懿宗朝有焦璐者撰年代紀述神
堯止宣宗匡柔襲據三百年曆補足十九朝起咸通戊子止癸
巳附略書中乾符已後備存補記末有後論一篇文詞雖拙議
論亦正

南部新書五卷

晁氏曰皇朝錢希白撰記唐故事

桂苑叢談一卷

晁氏曰題云馮翊子子休撰雜記唐朝雜事僖昭時當是五代
人李邕戰云姓嚴

三朝見聞錄八卷

晁氏曰僞唐尉遲偓撰記唐懿昭哀三朝故事故曰中朝

三朝見聞錄八卷

陳氏曰不知作者起乾符戊戌至天祐末年及莊宗中興後河
東事跡三朝者僖昭莊也其文直述多鄙俚

廣陵妖亂志三卷

陳氏曰唐晉陽鄭建誨撰言高駢呂用之畢師鐸等事

汴水滔天錄一卷

陳氏曰唐左拾遺王根撰言朱溫篡逆事

口夏卿兵志三卷

晁氏曰皇朝呂夏卿撰公武得之于宇文時中季蒙題其後云
夏卿修唐史別著兵志三篇秘之戒其子弟勿妄傳鮑欽止吏

部好藏書若求得之其子無為太守恭孫偶言及因懇借抄錄於吳興

耳目記二卷

晁氏曰題云劉氏未詳何時人雜記唐末五代事

宋梁興創遺編二十卷

陳氏曰梁宰相敬翔子振撰自廣明巢賊之亂未溫事跡訖於天祐弒逆大書特書不以為愧也其辭亦鄙俚

雜宗台禍記一卷

陳氏曰後唐中書舍人黃彬撰

入洛記一卷

晁氏曰蜀王仁裕撰仁裕隨王衍降入洛陽記往返塗中事并其所著詩

賈氏備史六卷

陳氏曰漢諫議大夫賈譚撰叙石晉禍亂每一事為一詩繫之晉朝陷蕃記四卷

晁氏曰皇朝范質撰質石晉末在翰林為出帝草降虜表知其事為詳記火主初遷於黃龍府後居于建州凡十八年而卒按契丹丙午歲入汴順數至甲子歲為十八年實國朝太祖乾德二年也

陳氏曰據莆田鄭氏書目云范質撰本傳不載故館閣書目云不知作者未悉鄭氏何所據也

晉太康平吳記二卷

隋氏曰周吏部尚書張昭撰世宗將討江南昭采晉武平孫昭事迹為書上之

卷百九十六

經籍考

六

唐餘錄六十卷

晁氏曰(皇朝)王暉奉詔撰(皇朝)舊史繁雜之文採諸家之說做裴松之體附注之以(本朝)當承(漢)唐之盛(五代)則閏也故名曰(唐)餘錄寶元二年上之溫公修通鑑間亦取之(皇朝)之第(陳)氏曰是時惟有薛居正(五代)舊史歐陽修書未出此書有紀有志有傳又博采諸家小說做裴松之(三國)志注附其下方蓋(五代)別史也館閣書目以入雜傳類非是

唐末汎聞錄一卷

晁氏曰(皇朝)閻自若纂乾德中王普(五代)史成自若之父觀之謂自若田(唐)末之事皆吾耳目所及與史冊異者多矣因話見聞故事命自若志之

(陳)氏曰題常山閻自若撰記(五代)及諸僭偽事其序自言乾德

中得於先人及舅氏聞見且曰傳者難驗見者易憑考之史策不若詢之耆舊也然所記亦時有不同者如李濤納命事本謂張彥澤今乃云謂(周)高祖未詳孰是

五代補錄五卷

晁氏曰(皇朝)陶嶽撰祥符壬子以(五季)史書闕畧因書所聞得一百七事

(陳)氏曰每代為一卷凡一百七條嶽雍熙二年進士

五代史闕文一卷

晁氏曰(皇朝)王禹偁撰錄(五代)史筆避嫌漏畧者以備闕文凡一十七事

建隆遺事一卷

晁氏曰(皇朝)王禹偁記(太祖)事按(太祖)崩時趙普已罷為河南

節度使盧多遜亦是太宗太平興國元年始除平章事今云上將晏駕前一日召趙盧入宮其謬甚矣世多以其所記為然不足信也

王氏揮塵錄曰建隆遺事世稱王元之所述其間率多誣謗之詞至於稱趙普盧多遜受遺詔昌陵尤為舛繆案國史韓王以開寶六年八月免相至太平興國六年九月始再秉衡鈞當太祖升遐時普政在外何緣前一日與盧丞相同見于寢邪稱太祖長子德昭為南陽王又誤矣初未嘗有此事元之當時近臣又秉史筆豈不詳知且載秦王傳中云云安有淳化三年而見三朝國史秦王傳邪可謂亂道此特人託名為之又案元之自有小畜集序及三黜賦與國史本傳俱云淳化二年自知制誥舍人貶商州至道二年自翰林學士黜守滌上咸平二年守本

官知齊安郡而此序年月次序皆顛錯其偽也明矣

巽巖李氏曰世傳王禹偁所記建隆遺事十三章考其章句大抵不類禹偁平日之文其七章十三章鄙俚益可駭幸而史官弗信然學士大夫不習朝廷之故者猶以禹偁所作私信之余常反復證驗力排其誣決知其不出於禹偁矣蓋禹偁世所謂名賢者而數以直道廢故群不逞輒假借竄寄謂世可欺殊不知普實愛重禹偁而禹偁於普尤拳拳也普遺藁四六表狀往往見禹偁集蓋禹偁代作也彼小人烏得識之

陳氏曰其記陳橋驛前戒誓諸將事元出熙陵而序文云近取實錄入禁中親自筆削然則此書之作誠可謂也邵氏聞見錄亦嘗表而出之而或者亦辨此書之偽當攷

祖宗獨斷一卷

天賦卷九十一

聖賢考

晁氏曰皇朝陸經記祖宗獨斷事十卷

龍飛日曆一卷

晁氏曰皇朝趙普撰記顯德七年正月藝祖受禪事是年改定隆二月普撰此書普時為樞密學士

景命萬年錄一卷

藝祖受禪錄一卷

晁氏曰未詳撰人記趙氏世次藝祖歷試迄受禪事

聖宋撥遺一卷

晁氏曰皇朝歐陽靖撰記國初至仁宗君臣美事以備史闕

晉公談錄三卷

晁氏曰皇朝丁謂撰多本朝事每章之首皆稱晉公言不知何人為潤益初董識志彥得之於洪州潘延之家庭之晉公甥疑廷之所為

涑水記聞十卷

晁氏曰皇朝司馬光撰記賓客所談祖宗朝及當時雜事

陳氏曰此書行於世久矣其間記呂文靖數事呂氏子孫頗以為諱蓋嘗辨之以為非溫公全書而公之曾孫侍郎伋季思遂從而實之上章乞毀板識者以為譏

嘉祐時政記一卷

晁氏曰吳奎趙鼎歐陽脩記立英宗事并賈易論韓琦定冊疏附于後

甘陵伐叛記一卷

陳氏曰題文升撰不知何人未有論稱甘陵人蘇朔為余言其大父慶曆中陷賊親見則初叛時事按中興書目有甘陵誅叛錄稱殿中丞王起撰起時為文彥博幕客然則別自一書也

隆平集二十卷

晁氏曰皇朝曾鞏撰記五朝君臣事蹟其間記事多誤如以太平御覽與總類兩書之類或疑非鞏書

濮王中陳一卷

晁氏曰記治平中封濮安懿王時宰相奏狀及臺諫言章

歐陽濮議四卷

晁氏曰皇朝歐陽脩求叔撰其序云武王之作人皆謂君可代濮議之興人皆謂父可絕盟津之會獨夷齊不食周粟而餓死世未之知也後五百年得孔子而後顯然則濮議其可與庸人比口舌一日爭邪熙寧初求叔知亳州日書成上之蘇子瞻求叔客也亦以臺諫之論為直云

書土戌事一卷

隋氏曰不知何人作記求樂之敗甚詳

文獻通考卷之一百九十六

文獻通考卷之一百九十七

鄱陽 馬端臨 貴與 著

經籍考

史傳記

溫公日記一卷

陳氏曰司馬光熙寧在朝所記凡朝廷政事臣僚差除及前後
秦對上所宣諭之語以及聞見雜事皆記之起熙寧元年正月
至三年十月出知永興而止

巽巖李氏曰文正公初與劉道原共議取實錄正史旁采異聞
作資治通鑑後紀屬道原早死文正起相元祐後終卒不果成
今世所傳記聞及日記并朔記皆後紀之具也自嘉祐以前甲
子不詳則號記聞嘉祐以後乃各日記若朔記則書畧成編矣

始文正子孫藏其書祖廟謹甚黨禍既解乃稍出之旋經離亂多所亡逸此八九紙草藁或非全幅間用故牘又十數行別書牘背往往剪開黏綴事亦有與正史實錄不同者蓋所見所聞所傳聞之異必兼存以求是此文正長編法也

王氏日錄八十卷

晁氏曰皇朝王安石介甫撰紹聖間蔡卞合曾布獻于朝添入**神宗實錄**陳瑩中謂安石既罷相悔其執政日無善狀乃撰此歸過于上掠美於己且歷詆平生不悅者欲以欺後世於是著尊堯集及日錄不合神道論等十數書此書起熙寧元年四月終七年三月再起於八年三月終於九年六月安石兩執國柄日也然無八年九月以後至九年四月事蓋安石攻呂惠卿時瑩中謂蔡卞除之安石罵惠卿之語其事當在此際也

陳氏曰本朝禍亂萌於此書陳瓘所謂尊私史而壓宗廟者其疆慢堅辨足以熒惑主德鉗制人言當其垂死秉畀炎火豈非其心有所愧悔歟既不克焚流毒遺禍至今為梗悲夫書本八十卷今止有其中

四明尊堯集一卷

陳氏曰司諫延平陳瓘瑩中撰專辨王安石日錄之誣僭不孫與配食坐像之為不恭瓘初在諫省未以安石為非合浦所著尊堯集猶回隱不直未乃悔之復為此書以謂蔡卞專用日錄以脩**神宗實錄**薄**神考**而厚安石尊私史而壓宗廟於是編類其語得六一五條總而論之坐此羈管台州

朱子讀兩陳諫議遺墨跋日錄固為邪說然諸賢攻之亦未得其要領是以言者瀆而聽者疑用力多而見功寡也蓋嘗即其

書而考之則凡安石之所以惑亂神祖之聰明而變移其心術使不得遂其大有為之志而反為一世禍敗之原者其隱微深切皆聚此書而其詞鋒筆勢縱橫捍闔焯焯誦詎又非安石之口不能言非安石之手不能書也以為蔡卞撰造之言固無是理况其見諸行事深切著明者又已相為表裏亦不待晚年對筆有所增加而後為可罪也然使當時用其垂絕之智舉而焚之則後來載筆之士於其帷幄之間深謀密計雖欲畢力搜訪極意形容勢必不能得之如此之悉而傳聞間異詞虛實相半亦不能使人無溢惡之疑且如勿令上知之語世所共傳終以手筆不存故使陸佃得為隱諱雖以元祐衆賢之力爭辨之苦而不能有以正也此見陸佃供答史院取問狀何幸其徒自為失計出此直蹟以暴其惡於天下便當按其肆情反理之實正其迷國誤朝

之罪而直以安石為誅首是乃所謂自然不易之公論不唯可以訂已往之謬而又足以開後來之惑柰何乃以畏避嫌疑之故反為迂曲回互之言指為撰造增加誣偽謗詆之書而欲加刊削以滅其迹乎此書之作寔在建中崇寧之間且其言猶以目錄為蔡卞之所託而其後了翁合浦尊堯之書亦未直攻安石也至於大觀初年而後四明之論始作雖謂天使安石自寫誣悖之心然猶有對筆增加親過神考之云則終未免於有所回互避就而失之者也

朱子語錄問四明尊堯集曰只似討開却不於道理上理會只於利害上見得於道理全疎如介甫心術隱微處他都不曾改得却只是把持如云謂太祖濫殺有罪謂真宗矯誣上天皆把持語也龜山集中有攻日錄數段却好蓋龜山長於攻王氏

文獻卷百九十七 然籍考

曾相手記三卷

晁氏曰紹聖初元祐黨禍起曾布知公論所在故對上之語多持兩端又輒增損以著此書云

紹聖甲戌日錄一卷

元符庚辰日錄一卷

陳氏曰丞相南豐曾布子宜撰記在政府奏對施行乃官禁朝廷事

林氏野史八卷

陳氏曰同知樞密院長樂林希子中撰希不得志於元祐起從章惇甘心下遷西掖草諸賢謫詞者也而此書記熙寧元豐以來事頗平直不類其所為或言此書作元祐之前其後時事既變希亦隨之書藏不毀久而時事復變其孫懋於紹興中始序而行之耳

王氏揮麈錄曰林子中野史世多傳之其間詳論與平日所為極為背馳殊不可曉豈非知公論之不可揜欲蓋其迹於天下後世耶

邵氏辨誣一卷

晁氏曰邵伯溫撰辨蔡卞章惇邢恕誣罔宣仁欲廢哲宗立徐卹事

邵氏聞見錄二十卷

晁氏曰邵伯溫子文撰記國朝雜事迄紹興之初序言早以其父之故親接前輩得前言往行為多類之成書其父雍也

陳氏曰又有後錄三十卷其子傳所作不專記事在子錄小說類

傳信錄十卷

傳信錄十卷

傳信錄十卷

傳信錄十卷

晁氏曰皇朝鮮于緯大受撰言國朝雜事多元豐後朝廷政事得失人物賢否也

國史後補五卷

陳氏曰蔡條撰條京之愛子京末年事皆出於條條見彼既叛父亦與條不咸此書大畧為其父自解而滔天之惡終有不可隱蓋者其間所載宮圍禁密非臣庶所得知亦非臣庶所宜言既出條筆事遂傳世殆非人力也

北征紀實二卷

陳氏曰蔡條撰叙伐燕本末歸罪童貫蔡攸亦欲為京文飾然京罪不可掩也

金人背盟錄七卷

圍城雜記一卷

避戎夜話一卷

金國行程十卷

南歸錄一卷

朝野僉言一卷

晁氏曰皇朝汪藻編記金人叛契丹迄於宣和乙巳犯京城圍城雜記等五書皆記靖康時事也

陳氏曰朝野僉言不著名氏有亭建炎元年八月繫年錄稱夏少曾未詳何人南歸錄直秘閣沈瑄撰亦記燕山事避戎夜話吳興石茂良太初撰

靖康要錄五卷

陳氏曰不知誰撰自欽廟潛邸迄靖康元年十二月事

靖康傳信錄一卷

陳氏曰丞相李綱伯紀撰丁未二月

靖康奉使錄一卷

陳氏曰鄭望之撰

靖康拾遺錄一卷

陳氏曰何烈撰又名靖康小史又名草史

孤臣泣血錄三卷拾遺一卷

陳氏曰丁特起撰

裔夷謀夏錄七卷

陳氏曰汪藻撰

陷燕記一卷

陳氏曰賈子莊撰記燕山初陷事子莊不知其名蔡靖客也

靖康錄一卷

靖康遺錄一卷

陳氏曰錄太學生朱邦基撰遺錄太學生沈良撰

金人犯闕記一卷

陳氏曰章茅方冠撰

汴都記一卷

靖康野錄一卷

痛定錄一卷

陳氏曰並不著撰人名氏

悲喜記一卷

陳氏曰圍城中人作書與所親曰中美知府者具述晉亂本末

自稱名曰賜皆不知何人也

東都事畧一百五十卷

陳氏曰承議郎知龍州眉山王侁季平撰其書紀傳附錄畧具

體但無志耳附錄用五代史例也淳熙中上其書得直秘閣其

所紀大簡畧未得為全善

建炎中興記一卷

陳氏曰耿延禧撰

宋史卷九十七

經籍考

五

建炎日曆五卷

晁氏曰宰相汪伯彥撰記(太上皇帝)登極時事

陳氏曰叙元帥開府至南都踐極

呂忠穆答客問一卷

陳氏曰宰相濟南呂頤浩元直撰

呂忠穆勤王記一卷

陳氏曰左宣教郎臧梓撰記建炎復辟事

渡江遭變錄一卷

丞相上蔡朱勝非藏一撰記苗劉作難至復辟事

建炎復辟記一卷

無名氏

建炎通問錄一卷

宣教郎傅勞撰建炎初李丞相綱所進

北狩聞見錄一卷

幹當龍德宮曹勛功顯撰勛扈從北狩以(徽廟)御札問道走

行在所以建炎二年七月至南京

北狩行錄一卷

蔡條王若冲撰

戊申維揚錄一卷

無名氏

維揚過江錄一卷

尚書左丞葉夢得少蘊撰

已酉航海記一卷

中書舍人李正民撰又名建炎居邠記

建炎假道高麗錄一卷

楊應誠撰取道遼東奉使金虜不達而還

紹興講和錄二卷

無名氏

亂華編三十三卷

知府貽軍東平劉荀子卿編其前有小序數語云方石敬瑭割幽燕遺契冊之日孰知為本朝造禍之原哉逮王安石創新法為辟國之謀又孰知紹述者召禍之酷哉所集雜史傳記近三一種苟忠肅丞相諸孫也

元祐黨籍列傳譜述一百卷

龔頤正撰以諸臣本傳及誌狀家傳遺事之類集成之其事迹微晦史不可見者則來拾諸書為之補傳凡三百九人其闕者四人而已溥熙中史院取其書以脩四朝國史洪邁奏乞甄錄補和州文學後賜出身詳見編年類頤正給事中原之曾孫也

紹興正論二卷

序稱瀟湘野夫不著名氏錄文武官不附和議及忤秦檜得罪者

紹興正論小傳二十卷

宗正寺主簿鄞樓昉賜叔撰以正論中姓名做元祐黨傳為之三朝北盟會編二百五十卷

直秘閣清江徐夢莘商老撰輯諸書二百餘家分上中下上為政軍二十五卷中為靖康七十五卷下為炎興百五十卷

北盟集補五十卷

夢莘以前書詮載不盡者五家續編次於中下二帙以補其闕
靖康炎興各為二十五卷

中興十三處戰功錄一卷

叅政眉山李壁季章撰中興以來禦寇立功惟此十三處編為
一書所謂司勳藏其貳者也開禧乙丑北事將作其書成

順昌錄一卷

晁氏曰紹興十年劉錡破女真于順昌城下其徒記其功云
建炎以來朝野雜記甲乙集共四十卷

陳氏曰李心傳撰上自帝繫帝德朝政國典下及見聞瑣碎皆
錄之蓋南渡以來野史之最詳者

西陲泰定錄九十卷

陳氏曰李心傳撰記吳曦叛逆以及削平本末起嘉泰辛酉迄
嘉定辛未為三十七卷其後蜀事益多又增修至辛巳之冬通
為九十卷仍頗用太史年表例并記國家大政令防邊大節目
首尾二十年

紹運圖一卷

晁氏曰未詳何人撰自伏羲至皇朝神廟五德之傳及記事皆
著于篇

漢史二十卷

陳氏曰丞相陽羨蔣芾子禮撰其曾祖魏公之奇穎叔所記遺
事殆數百冊兵火散失招摭遺藁得六百六十事為十九門淳
熙改元書成為之序

國史編年政要四十卷

國朝實錄列傳舉要十二卷

皇朝宰輔拜罷錄一卷

續百官公卿表二十卷質疑十卷

中興藝文志蔡幼學撰幼學採國史實錄等書為國朝編年政
 要以擬紀起建隆訖靖康文為國朝實錄列傳以擬傳起國初
 止神宗朝又為宰輔拜罷錄起建隆盡紹熙年經兩官緯之又
 以司馬光百官公卿表起建隆訖治平乃為續表終紹熙經緯
 如宰輔圖上方書年記大事下列官詳記除罷遷卒月日而大
 事止及靖康後未及錄以擬表又為備志以擬志而未成

文獻通考卷之一百九十七

文獻通考卷之一百九十八

鄱陽 馬 端臨 貴與 著

經籍考

史傳記

黃帝內傳一卷

晁氏曰序云昔錢鏐得之於衡山石室中復至漢劉向於東觀
 校書見之遂傳於世藝文志以書之記國政得失人事美惡其
 大者類為雜史其餘則屬之小說然其間或論一事若一人者
 附於雜史小說皆未安故又為傳記類今從之如神仙高僧不
 附其類而繫於此者亦以其記一事猶列女名士也

陳氏曰誕妄不經方士輩所託也

漢武內傳二卷

經籍考

九

晁氏曰不類撰人記王母降

漢武故事二卷

晁氏曰世言班固撰唐張柬之書洞真記後云漢武故事王儉造

飛燕外傳一卷

晁氏曰伶玄撰茂陵十理藏之於金滕漆樞王莽之亂劉棻得之傳於世晉荀勗校上

陳氏曰稱漢河東都尉伶玄子于撰自言與楊雄同時而史無所見或云偽書也然通德擁髻等事文士多用之而禍水滅火一語司馬公載之通鑑矣

古列女傳八卷續列女傳一卷

南豐曹氏序劉向所叙列女傳凡八篇事具漢書向列傳而隋

書及崇文總目皆稱向列女傳十五篇曹大家注以頌義考之蓋大家所注離其七篇為十四與頌義凡十五篇而益以陳嬰母及東漢以來凡十六事非向書本然也蓋向舊書之亡久矣嘉祐中集賢校理蘇頌始以頌義編次復定其書為八篇與十五篇者並藏於館閣而隋書以頌義為劉歆作與向列傳不合今驗頌義之文蓋向之自叙又藝文志有向列女傳頌圖明非歆作也自唐之亂古書之在者少矣而唐志錄列女傳凡十六家至大家注十五篇者亦無錄然其書今在則古書之或有錄而亡或無錄而在者亦衆矣非可惜哉今校離其八篇及十五篇已定可繕寫初漢承秦之敝風俗已大壞矣而成帝後宮趙衛之屬尤自放向以謂王政必自內始故列古女善惡所以興亡者以戒天子此向述作之大意也

晁氏曰漢劉向撰諸趙衛之屬起微賤踰禮制以為王教由內
 及外乃采詩書所載賢妃貞女及嬖孽亂亡者序次為列女傳
 凡八篇以戒天子前有王回序其畧曰此書有母儀賢明仁智
 貞慎節義辨通變孽等篇而各頌其義圖其狀惣為卒篇傳如
 太史公記頌如詩之四言而圖為屏風然世所行向書乃分傳
 每篇上下并頌為十五卷其十二傳無頌三傳同時人五傳其
 後入通題曰向譏題其頌曰向子歆譏與漢史不合故崇文總
 目以陳嬰母等十六傳為後人所附子以頌考之每篇皆十五
 傳耳則凡無頌者宜皆非向所奏書不特自陳嬰母所斷也頌
 云畫之屏風而史有頌圖在八篇中莫得而考以向所序書多
 散亡獨此幸存而完復為他手竄疑於其真故并錄其目而以
 頌證之刪為八篇號古列女傳餘二十傳其文亦與雅可言故
 又以時次之別為一篇號續列女傳公武按隋經籍志有劉向
 列女傳十五卷又有劉歆列女傳頌又有項原列女後傳今因
 刪此書為八篇以合漢史得之矣至於疑頌非歆作蓋因頌籀
 之言爾則未必然也二十傳豈項原所作邪

陳氏曰其七篇篇十五人為一百五人第八篇為頌義隋唐志
 及崇文總目皆十五卷蓋以七篇分為上下而自陳嬰母以下
 十六人附八其中或在向後者皆好事者所益也王回曾鞏二
 序辨訂詳矣鞏之言曰後世自學問之士多徇於物而不安其
 守其室家既不見可法故競於邪侈豈獨無相成之道哉士之
 苟於自恣顧利冒耻而不知反已者徃徃以家自累故也故曰
 身不行道不行於妻子况於南鄉天下之主哉愚嘗三復其言
 而志之向書傳於世鮮矣惟此書獨全其稱詩若首柏舟大車

之類與今說詩者率異蓋齊魯韓之學固不盡與毛氏同也

高士傳一卷

晁氏曰晉皇甫謐撰纂自陶唐至魏八代二千四百餘載世士高節者其或以身徇名雖如夷齊兩龔皆不錄凡九十六人而東漢之士居三之一自古名節之盛議者獨推焉

陳氏曰序稱自堯至魏咸熙二千四百餘載得九十餘人今自被衣至晉寧惟八十七人

襄陽耆舊記五卷

晁氏曰晉習鑿齒撰前載襄陽人物中載其山川城邑後載其牧守隋經籍志曰耆舊記唐藝文志曰載舊傳觀其書紀錄叢脞非傳體也名當從經籍志云

談數二卷

陳氏曰北齊秘書省正字北平陽人松撰事綜南北時更八代隋開皇中所述

梁四公記一卷

陳氏曰唐張說撰按館閣書目稱梁載言纂唐志作盧說注六一作梁載言邯鄲書目云載言得之臨菑曰通又云別本題張說或為盧說今按北書卷末所云田通事跡信然而首題張說不可曉也其所記多妄誕而四公名姓怪異無稽不足深辨

閩川名士傳三卷

晁氏曰唐黃璞撰錄唐神龍以來閩人知名於世者劾楚國先賢傳為之

陳氏曰所記人物自薛令之而下凡五十四人

楊貴妃外傳二卷

卷之六

卷之七

四

皇朝樂史撰叙唐楊妃事跡迄孝明之崩

綠珠傳一卷

晁氏曰樂史撰

補江總白猿傳一卷

晁氏曰不詳何人撰述梁大同末歐陽訖妻為猿所竊後生子詢宗文目以為唐人惡詢者為之

後村劉氏曰歐陽率更貌寢長孫無忌朝之曰誰令麟閣上畫此一獼猴好事者遂造白猿之說謗及其親

陳氏曰託言江總必無名子所為也

狄梁公家傳三卷

陳氏曰唐海州刺史江都李邕撰

高士外傳一卷

陳氏曰唐大理司直鄭湜撰

鳳池曆二卷

陳氏曰不著名氏記長孫無忌歷官本未及家世子孫按唐志馮宇鳳池錄五十卷李淑書目惟存五卷記宰相名次事迹非此書

安祿山事迹三卷

陳氏曰唐華陰尉姚汝能撰

相國鄭侯家傳十卷

晁氏曰唐亳州刺史李繁撰繁鄭侯泌之子也太和中以罪繫獄當死恐先人功業不傳乞廢紙拙筆於獄吏以成傳藁戒其家求世間人潤色之後竟不果宋子京謂其詞浮侈云

陳氏曰按中興書目有柳玘後序今無之繁嘗為通州韓退之

送諸葛覺詩所謂鄴侯家多書插架三萬軸者也其曰行年餘五十出守數以大屨為丞相言雖懇不見錄則韓公於縣亦拳拳矣新舊史本傳稱縣無行漏言裴延齡以誤陽城師事梁肅而烝其室殆非人類然則韓公無乃溢美而所述其父事庸可盡信乎

汾陽王家傳十卷

晁氏曰唐陳雄撰雄本汾陽王郭子儀僚吏後又從事渾瑊幕府故傳不名第九卷錄行狀第十卷錄副佐三十三人太將二十七人曰忠武將佐畧

北征雜記一卷

陳氏曰唐宰相趙憬撰貞元四年咸安公主下降回紇憬副關播為冊禮使作此書紀行

柳氏序訓一卷

晁氏曰唐柳玘叙其祖公綽已下内外事迹以訓其子孫吳湘事迹錄一卷

晁氏曰唐大中中李紳鎮揚州陷湘州以罪抵死後其兄汝納辨訴其枉狀錄總載焉

陵園記一卷

陳氏曰唐宗正丞李失其名撰光化元年序
牛羊日曆一卷

陳氏曰唐劉軻撰牛指僧儒羊謂震卿漢公也
西南備邊錄一卷

陳氏曰唐宰相李德裕文鏡撰大和中鎮蜀所作內州縣城鎮兵食之數大畧具焉

異域歸忠傳二卷

陳氏曰李德裕撰會昌二年盟沒斯內附德裕奉詔采秦漢以來由絕域歸中國以名節目著功業始終者凡三十人為之傳晉書十卷

陳氏曰唐安南宣慰使慈綽記南詔事咸通五年奏之

崔氏日錄一卷

陳氏曰不著名字殘闕無始末未有跋尾亦不知何人言此書出宋敏求家考訂年月及所載人名姓甚詳蓋廣明元年崔沆為相非其子弟即其門人為之字畫清麗而其所記不過蒲飲交通評議有以見唐末風俗之弊去

登科記三十卷

晁氏曰皇朝樂史撰記進士及諸科登名者起唐武德訖天祐

唐制舉科月圖一卷

晁氏曰不題撰人凡七十六科任至宰相者七十二人唯劉蕡名最高而官最不達

巽巖李氏曰寶元間蔡元翰編集其家有制科登第錄一卷不著撰人氏字止用年代次序登第者姓名或不暇遍舉且自敬宗以後闕不復錄而元翰所記科目以類相從姓名具列又間出其更歷始終比其家本為優然而尚多脫遺如天授中祝欽明中英才傑出業與大經科而此無之蓋元翰獨據舊唐書故所見有不盡傳采別條乃可備一家言耳

唐登科記十五卷

陳氏曰丞相鄱陽洪适景伯編集按唐藝文志有崔氏顯慶科

記五卷姚康科第錄十六卷李奕登科記二卷崔氏書有趙儋序而夫崔名所載至周顯德固非崔氏本書而李奕書亦不存洪忠宣得姚康書五卷於北方而丞相文得別本起武德終大和於毗陵錢仲氏乃以三本輯為一書而用姚氏為正三書皆有序姚氏汝諧南仲孫也元和十五年進士本書錄武德至長慶為十一卷其曰十六卷者亦後人所續

五代登科記一卷

陳氏曰不著名氏前所謂崔氏書至周顯德止者殆即此耶館中有此書洪丞相以國初御相多在其中故併傳之

燉煌新錄一卷

陳氏曰有序稱天成四年沙州傳舍集而不著名氏蓋當時奉使者叙張義潮本末及彼土風物甚詳涼武昭王時有劉炳者

著燉煌實錄二十卷故此號新錄

渚宮故事五卷

陳氏曰後周太子校書郎余知古撰載荆楚事自鬻熊至唐末本十卷今止晉代闕後五卷

錦里耆舊傳八卷

陳氏曰前應靈縣令平陽句延慶昌商撰開寶三年秘書丞劉蔚知榮州得此傳其詞蕪穢請延慶修之改曰成都理亂記天成之後別加編次起咸通九載迄乾德乙丑迄祥符己酉自平蜀之後朝廷命令官僚姓名及政事因革以至李順王均劉旣作亂之迹皆畧載之知新繁縣太常博士張約為之序

平蜀實錄一卷

陳氏曰左藏庫副使康延澤撰平蜀之後延澤以內染院使為

鳳州路馬軍都監王全斌等既得罪延澤亦貶唐州團練使按本傳載蜀軍二萬七千人諸將慮其為全師雄內應欲盡殺之延澤請簡老弱疾病七千人釋之餘以兵衛浮江而下諸將不能用此書敘述甚詳耶鄆書自云不知作者館閣書目亦然考王元之所撰延澤墓誌知其所為也

秦王貢奉錄二卷

陳氏曰樞院使吳越錢惟演希聖撰記其父做貢獻及錫賚之物

家王故事一卷

陳氏曰錢惟演撰記其父遺事二十二事上之以送史院

戊申英政錄一卷

陳氏曰婺州刺史錢徽撰記其兄做事迹做以戊申正月嗣位

王堂逢辰錄二卷

陳氏曰錢惟演撰其載祥符八年四月榮王宮火一日二夜所焚屋宇二千餘間左藏內藏香藥諸庫及秘閣史館香閣數十里三館圖籍一時俱盡大風或飄至汴水之南惟演獻禮賢宅以慶諸王以此觀之唐末五代書籍之僅存者又厄於此火可為太息也

西李文正公談錄一卷

晁氏曰西李文正公昉也相太宗其子宗諤錄其平生所談十七事

陳氏曰所記凡三十七事

張忠定公語錄四卷

晁氏曰皇朝張忠定公詠守蜀有善政其門人李旼紀其語論

可以垂世者

曹武惠別傳一卷

陳氏曰知石州曹偃撰武惠曾孫也

賈公談錄一卷

陳氏曰序言庚午銜命宋都聞於補闕賈黃中凡二十六條而不著其名別本題清輝殿學士張洎蓋洎江南奉使也庚午實開寶三年黃中晉開運中以七歲為童子關關頭十六歲進士及第第三人

王沂公筆錄一卷

陳氏曰丞相清公青社王曾孝先撰記開國以來雜事凡三十六條

王沂公言行錄一卷 一作三卷

晁氏曰沂公弟天章閣待制皞錄公平生言行凡三十七事

王魏公遺事四卷

晁氏曰魏公旦相真宗其子素錄事凡五百條

陳氏曰家錄一卷即素所錄遺事也

寇萊公遺事一卷

陳氏曰不知何人作

萊公勲烈一卷

晁氏曰寇宗奭編宗奭準曾孫也編集仁宗祭準文及贈誥墓碑傳誌贊詩等為此書

民表錄三卷

晁氏曰皇朝胡納撰錄國朝循吏善政李淑以為雖淺俗亦可

皇朝循吏善政

李淑

一

備廣記云天聖中借賢惠錄上之

賢惠錄三卷

晁氏曰胡納撰國朝賢惠之女後一卷媛嗣成之

安定先生言行錄二卷

陳氏曰雜錄胡瑗翼之事及告詞誌表祭文等其間有賢惠錄孝行錄蓋其父納所為也

韓魏公家傳二卷

晁氏曰皇朝韓忠彥撰錄其父琦平生行事近世著史者喜采小說以為異聞逸事如李繁錄其父泌崔胤記其父慎由事悉鑿空妄言前世謂此等無異莊周鮒魚之辭賈生服鳥之對者也而唐書皆取之以亂正史曰是近時多有家傳語錄之類行于世陳瑩中所以發憤而著書謂魏公名德在人耳目如此豈

假門生子媿之間區區自列乎特史筆其慎焉

陳氏曰不著名氏當是其家所傳也

韓忠獻遺事一卷

陳氏曰群牧判官錢塘強至幾聖撰至魏公之客也

文獻通考卷之一百九十八

文獻通考

卷一百九十八

十一

文獻通考卷之一百九十九

文獻通考卷之一百九十九

鄱陽 馮 端臨 貴與 著

經籍考

史傳記

魏公語錄一卷

陳氏曰與別錄小異而實同別錄分四卷此總為一篇先後次第亦不同而未一則別錄所無姑並存之

魏公別錄四卷

晁氏曰其門人王嵩叟記其言論事實然以國史考之其歲月往往抵牾蓋失之誣也

杜祁公語錄一卷

陳氏曰不知何人作

文獻通考卷之一百九十九

文潞公私記一卷

晁氏曰皇朝文彥博所撰元豐初王堯臣之子同老以其父至和中所撰立英宗為皇子詔草上之且曰時宰相文彥博富弼知狀神宗以問彥博彥博具以實對至元祐中賈易為言官為韓忠彥爭辯其事彥博乃著此其後云自古唯霍禹云縣官非我家將軍不得至此揚復恭自稱定策國老謂昭宗為門生天子鞅鞅不道之言卒被夷滅

陳氏曰記至和靖建儲及元豐褒賞事

潛德錄一卷

晁氏曰皇朝呂晦獻可之孫撰記其祖乞立英宗言章嘉祐名臣傳五卷

晁氏曰張唐英傳仁宗朝賢臣五十餘人

王氏揮塵錄曰唐英天覺同胞兄仕至殿中侍御史嘗述仁宗政要上于朝所謂嘉祐名臣傳特政要中一門耳

孔子編年三卷

晁氏曰皇朝孔傳取左氏國語公羊史記及他書所載孔子事以年次之自生至卒

東家雜記二卷

晁氏曰亦孔傳撰孔子四十七代孫也纂其家舊聞軼事于此書

陳氏曰歷代追崇先聖故事及孔林古跡

晁以道揚雄別傳一卷

晁氏曰從父詹事公撰雜取諸書所載雄逸事為一編繫之以贊

唐質肅遺事一卷

陳氏曰無名氏所記唐介子方事也

韓莊敏遺事一卷

陳氏曰秘書丞韓宗武文若撰記其父丞相縝玉汝事未亦雜載他事宗武即少年過洋客者也年八十二乃卒此編亦載其詩云熙寧間得異疾與神物遇

范忠宣言行錄二十卷

陳氏曰不著名氏其家所錄也

范太史遺事二卷

陳氏曰翰林學士范冲元長記其父事

傳獻簡佳語一卷

陳氏曰不知何人所作記傳堯俞所談

杜公談錄一卷

陳氏曰雷繹杜師孟等錄其父務滋之言王廣淵作序

豐清敏遺事一卷

陳氏曰給事中章貢李朴先之撰記豐稷相之事朱熹為之後序

宗忠簡公遺事三卷

陳氏曰不著名氏錄留守開封事亦其家子孫所為

後村劉氏序曰公遺事行世已久今連帥寶謨王公鎰公之外孫復稍採摭舊聞以傳翼之

呂忠穆家傳一卷

逢辰記一卷

遺事一卷

陳氏曰記建炎丞相呂頤浩元直事孫昭問刻之于廣德軍之官舍

懷德集二卷

易學辨惑一卷

陳氏曰邵伯溫撰錄其父告命謚議行狀墓誌之屬辨惑述傳授源流辨鄭夫之妄

呂氏家塾記一卷

陳氏曰侍講呂希哲原明撰

桐陰舊話一卷

陳氏曰吏部尚書穎川韓元吉無咎撰記其家世舊事以京師第門有桐木故云元吉門下侍郎維之四世孫也

趙康靖日記一卷

陳氏曰參政睢陽趙槩叔手所記治平乙巳丙午間在政路初事

劉忠肅公行年記一卷

陳氏曰丞相東平劉執事華老撰

文昌雜錄六卷

陳氏曰主客郎中南京龐元英懋賢撰官制初行元英為郎在省四年記一時見聞及古今典故可觀覽元英丞相莊敏公籍之子

聞見近錄一卷

陳氏曰宗正丞三槐王鞏定國撰

辯欺錄一卷

陳氏曰韓忠彥記其父嘉祐末命事與文富諸公辯

回天錄一卷

陳氏曰宣教郎秦湛慶度撰記呂好問圍城中事好問除右丞訓詞有回天之力語故以名錄後有好問謝其祖公著復官表

及遺表

盡忠補過錄二卷

陳氏曰修職郎穆伯芻撰記張孝純在偽齊時所上本朝書

吳丞相手錄一卷

陳氏曰吳敏元忠撰記靖康初元事

岳飛事實六卷

辯誣五卷

陳氏曰飛之孫珂撰

丁卯實編一卷

陳氏曰成忠郎李珙撰誅曦之功揚巨源為多安丙忌而殺之珙為作傳上之于朝以昭其功而申其寃

孔子編年五卷

陳氏曰新安胡仔元任撰其父待制舜陟命仔未撫經傳為之

諸葛武侯傳一卷

陳氏曰待講張栻撰以陳壽作史私且陋哀集他傳又裴松之所注為此傳而削去管樂自許一則朱晦翁以為不然又為後論以達其意謂其體正大而學未至使得游洙泗之門所就不止此

韓文公曆官記一卷

陳氏曰新安張敦頤撰頌疏畧其最誤者序言擒吳元濟出牛元翼為一事此大謬也為裴度行軍司馬在憲宗元和時奉使鎮州王庭湊在稷守長慶時

歐公本末四卷

陳氏曰呂祖謙編蓋因觀歐陽公集攷其歷仕歲月同官同朝之人畧著其事迹而集中詩文亦隨事附見非獨歐公本末而

時事時賢之本末亦大畧可觀矣故以八傳記類

呈祐平蠻記二卷

陳氏曰殿中丞馮炳撰記儂智高事

孫威敏征南錄一卷

陳氏曰學士睢陽滕甫元發擬言平南之功皆本孫沔元規狄青之至莫能出其右者余靖歸美於青非實也甫時通判湖州甬廝羅傳一卷

陳氏曰不著作者

陝西聚米圖經五卷

陳氏曰閣門通事舍人雄州趙珣撰珣父振博州防禦使久在西邊珣訪得五路徼外山川道里康定二年為此書韓魏公經畧言于朝詔取其書召見執政呂許公宋嘗公言用兵以來策

士之言以千數無如珣者權涇原都監定川之敗死為珣勁特好學恂恂類儒者人皆惜之

元豐平蠻錄三卷

陳氏曰金部員外郎知鳳翔府家安國撰記乞弟韓存寶事

元祐分疆錄三卷

陳氏曰直龍圖閣京兆游師雄景叔撰元祐初議棄西邊四寨執政召師雄問之對曰先帝棄之可也主上棄之則不可且示弱夷狄反益邊患爭之甚力不聽卒棄之四寨者葭蘆米脂浮屠安疆也夏人以事出望外萌侵侮之心連年犯順皆如師雄所料此書前三卷記當時論辨本末後一卷行實不知何人作也是歲師雄被命行邊請以便宜行事夏人與鬼章謀寇熙河師雄說劉舜卿出師種誼遂破洮州會鬼章以獻其功偉矣元

祐諸老固欲休兵息民師雄言既不行功復不賞殆以專反熙豐失於偏滯終成紹述之禍亦有以也師雄治平二年進士

青唐錄一卷

陳氏曰右班殿直李遠撰元符中取邈川青唐已而皆棄之遠紹聖武舉人官鎮洮奉檄軍前記其經歷見聞之實粲然可觀交趾事迹十卷

陳氏曰知新州趙總撰

占城國錄一卷

陳氏曰不著名氏

雞林類事三卷

陳氏曰不著名氏

政和大理入貢錄一卷

陳氏曰右迪功郎錢塘周邦撰其祖種為集賢修撰知桂州時歸明人黃麟招來大理國人貢詔種考究其真偽種言偽妄不可憑乞依熙寧故事支馬價發還麟至京師力主其事種落職奉祠久而覺其詐乃改正復職知廣州

安南表狀一卷

陳氏曰紹興二十五年李天祚進貢自靖康二年以後至是始通也

邊和錄五卷

陳氏曰承議郎河東陳伯疆撰載胡世將承公宣撫川陝事

建炎德安守禦錄三卷

陳氏曰郡丞東平劉荀子編次建炎初高密陳規元則守德安禦群盜事迹功狀規後守順昌與劉錡共成却敵之功者也以

樞密直學士知廬州而卒

淮西從軍記一卷

陳氏曰不著名氏記紹興十年金虜敗盟淮西諸帥守禦事

順昌破敵錄一卷

陳氏曰不著名氏記劉錡信叔守禦戰勝本末

滕公守台錄一卷

陳氏曰不著名氏睢陽滕膺子勤為台州戶曹方臘之亂仙居人呂師囊應之攻城甚急膺佐太守備禦卒全一城郡人德之至今廟食行狀事實聚見此篇膺後至直秘閣京西漕而終

二揚歸朝錄一卷

揚堯弼揚載紹興八年所與捷辣兀木書時偽齊初廢也未有探報虜事數一條

洪州劉豫傳一卷

陳氏曰揚堯弼等撰二揚事迹當考前錄題銜稱宣義郎迪功郎並為大總管府官屬此傳堯弼為右從事即載為右迪功郎許右丞行狀一卷

陳氏曰吏部員外郎許忻撰許公翰字崧老襄邑人為尚書右丞忻其弟也

李忠定行狀一卷

陳氏曰通判洪州李綸撰其兄丞相綱伯紀事狀葉適正則所作謚議附于後

翟忠惠家傳一卷

陳氏曰翟耆年伯壽述其父汝文公異事實忠惠者私謚也耆年實邢怨外孫

文獻考

卷一百一十一

七

艾軒家傳一卷

陳氏曰莆田林成季述其季父工部侍郎光朝謙之事實

夾溪家傳一卷所著書目附

陳氏曰莆田鄭翁歸述其父蕪漁仲事迹翁歸年八十歲老貧

不競頃佐莆田時猶識之

葉丞相行狀一卷

陳氏曰閣學廬陵楊萬里廷秀撰丞相莆田葉顥子昂乾道丁

亥以冬雷罪相至建寧而薨

謝修撰行狀墓誌一卷

陳氏曰昭武謝師稷務本奉使閩部有惠愛沒而民祠之行狀

里人黃適景聲撰墓誌亦嘉陳謙益之撰其廟曰昭應

朱侍講行狀一卷

陳氏曰奉議郎三山黃幹直鄉撰其高第弟子且子壻也

紫陽年譜三卷

陳氏曰朱侍講門人通判辰州昭武李方子公晦撰

篤行事實一卷

陳氏曰丞相趙汝愚子直編其父善應彥遠事而羅願朱熹所

撰行狀墓銘及諸賢表詞題跋之屬萃為一編篤行者陳福公

題其墓云爾呂太史跋語有云處者易持出者難工朱侍講取

其意以為銘所以勉其子之意深矣

趙丞相行實一卷附錄二卷

陳氏曰知靜江府趙崇憲履常編集忠定長子也其一時諸賢

祭文挽歌與嘉定更化之後昭雪誣枉改正史牒本末皆見附

錄

趙忠定行狀一卷續議一卷

陳氏曰知光州鄱陽柴中行與之撰其謚議弘濟全之楊方子直所為也

倪文節言行錄三卷遺奏誌狀碑銘謚議一卷

陳氏曰戶部郎中倪祖常子武輯其父尚書遺事行狀錫山蔣重珍良貴撰碑銘臨邛魏了翁萃甫撰

趙華文行狀一卷

陳氏曰文林郎趙山李燾敬子撰忠定之子吏部崇憲獲常也八朝名臣言行錄二十四卷

陳氏曰待講朱熹撰以近代文集及傳記載本朝名臣言行錄取其要輯為此錄前五朝五十五人後三朝四十二人

中興忠議忠錄三卷

陳氏曰龔頤正撰自建炎至紹興辛巳上自李若水劉韜貴臣名士下及一婦人卒伍之微皆錄之

孝史五十卷

太學博士新喻謝諤昌國撰集曰君紹五后德一宗表五臣傳三十五文類二夷附一諤後至御史丞淳熙名臣樂易君子也

孝行錄三卷

陳氏曰京兆胡訥撰始得此書不知訥何人也所記多國初人凡而知其為安定先生翼之之父仕為寧海節度推官

古文孝悌錄二十四卷

陳氏曰廬陵王紹圭唐卿撰

廉吏傳十卷

陳氏曰成都費樞伯樞撰自秦至唐凡百十有四人宣和乙巳

文獻卷百九十九

正德卷

為序

南陽先民傳二十卷

陳氏曰題南陽王襄元祐癸酉歲序所記鄧州人物自百里奚直不疑而下至唐范傳正韓翃凡一百六十人

典刑錄十二卷

陳氏曰苕溪吳宏編凡五十二門大畧於言行錄中抄出

近世厚德錄四卷

陳氏曰題百鍊真隱李元綱國紀編沈潛道原為作序

救荒活民書三卷

陳氏曰從政郎鄱陽董燭編進燭紹熙五年進士嘗知瑞安縣

仁政活民書二卷

陳氏曰秀州司戶會稽丁銳集

好還集十卷

陳氏曰秀水妻伯高元龍編報應之事為十門

先賢施仁濟世錄十卷

陳氏曰奉化丞山陰諸葛興編凡十門皆本朝諸賢事實也

莆陽人物志三卷

陳氏曰知興化軍永嘉林紘文伯撰以圖志不叙人物故特為是編莆壤地褊小而人物特盛

卧遊錄一卷

陳氏曰呂祖謙撰晚歲病廢卧家取史傳所載古今人境勝處錄之時以宗少文卧遊之語實諸卷首

上庠錄十卷

陳氏曰光州助教呂榮義撰雜記京師本學故事

上庠後錄十二卷

陳氏曰三山周士貴撰記中興大學事頗疏畧

昭明太子事實二卷

陳氏曰知池州趙彥博富文編昭明廟食於池頗著靈響元祐始賜額曰文孝

祠山家世編一卷

陳氏曰詹仁澤曾撰編輯廣德橫山神張王事跡

海神靈應錄一卷

陳氏曰永嘉貢士陸維則撰太守韓彥直子溫為之序初元祐中守直龍圖閣范响夢海神曰吾唐李德裕也郡城東北隅海仙壇之上有廟初不知其為何代人响明日往謁其像即夢中所見自是多響應然封爵訓詞惟曰海神而已

鄂國金他稗編二十八卷續編三十卷

陳氏曰岳珂撰

宋登科記三卷

晁氏曰皇朝登科人名氏未詳何人所撰

唐宋科名分定錄三卷

晁氏曰不題撰人元符間所著書也序去已卯歲得張君房所誌唐朝科場故事今續添五代及本朝科名分定事迄於李常寧云

大宋登科記三十二卷

陳氏曰洪适編始吳興郡學有鋟板不分卷第止述進士一科迨始做姚康錄制舉詞科自建隆庚申迄紹興庚辰二萬三千六百人有音為二十卷自後皆續書之

中興登科小錄三卷 姓類一卷

陳氏曰通判徽州江都李椿撰新安舊有登科記但逐榜全錄姓名而已椿家藏小錄自建炎戊申至嘉熙戊戌節次取名字鄉貫三代諱刊之後以韻類其姓凡一萬五千八百人有奇太守吳興倪祖常子武刻之以備前記之闕文

乘輶錄一卷

陳氏曰知制誥初陽路振子發撰祥符中使契丹歸進此錄事見其傳

奉使別錄一卷

陳氏曰河南富弼彥國撰慶曆使契丹歸為語錄以進機宜事節則具于此錄又一本有兩朝往來書附于末

劉氏西行錄一卷

陳氏曰直昭文館保塞劉渙中章撰按康定二年朝廷議遣使通河西喃氏渙以此田即知晉州請行以十月十九日出界慶曆元年三月十日回秦州此其行紀也喃氏自此與中國通而元昊始病於牽制矣渙後換後換刺史歷典數州至留後以工部尚書致仕

契丹講和記一卷

陳氏曰不著名氏載契丹初講和本末未有慶曆增幣後北虜誓書

慶曆正旦國信語錄一卷

陳氏曰余靖慶曆三年使虜所記

熙寧正旦國信錄一卷

陳氏曰天章閣待制竇卞熙寧八年使虜所記

接伴送語錄一卷

陳氏曰集賢校理沈季長熙寧九年接送伴虜使耶律運所記使遼見聞錄二卷

陳氏曰尚書膳部郎中李罕撰

宣和使金錄一卷

陳氏曰太常少卿安陸連南夫鵬舉弔祭阿骨打奉使所記時宣和六年

奉使雜錄一卷

陳氏曰紹興十二年何鑄使虜所錄禮物名銜表章之屬館伴目錄一卷

陳氏曰無名氏紹興二十四年

隆興奉使審議錄一卷

陳氏曰左奉議郎雍希稷在任撰隆興二年編修官胡昉閣門祇候楊由義使金虜軍前審議海泗唐鄧等事不屈而歸希稷其禮物官也所抗辯應對之語多出由議攬轡錄一卷

陳氏曰吳郡范成大至能乾道六年使虜所記聞見北行日錄一卷

陳氏曰叅政四明樓鑰大防乾道己丑待次温州教授以書狀官從其舅汪大猷仲嘉使虜紀行

乾道奉使錄一卷

陳氏曰叅政諸暨姚憲令則乾道壬辰使虜日記奉使執禮錄一卷

陳氏曰進士鄭儼撰淳熙己酉中書舍人莆田鄭僑惠叔使虜

文獻通考卷之一百九十九
文獻通考卷之二百
賀正會其主病篤欲令於閣門進國書僑不可已而雍殂遂回使燕錄一卷

陳氏曰尚書戶部郎龍游余嶸景瞻撰嘉定辛未嶸使虜賀生辰會有北師行至涿州定興縣而回

右傳記

文獻通考卷之一百九十九

文獻通考卷之二百

鄱陽 馬 端臨 貴真 著

經籍考

史 為史霸史

華陽國志十二卷 一百二十卷

晁氏曰晉常據撰華陽梁州地也記漢以來巴蜀人物呂微仲跋云漢至晉初四百載間士女可書四百人亦可謂盛矣復自

晉至周顯德僅亡百載而史所紀者無幾人忠魂義骨與塵埃

同沒何可勝數豈不重可歎哉

陳氏曰志巴蜀地理風俗人物及公孫述劉焉劉璋先後主以

及李特等事跡末卷為序志云肇自開闢終乎永和三年

九州春秋九卷

文獻通考卷之二百

陳氏曰晉司馬彪紹統撰記漢末州部之亂司真徐充青荆陽涼益幽凡盜賊僭叛皆紀之

淝上英雄小錄二卷

陳氏曰信都鎬撰所錄楊行密將吏有勲名者四十人其二十四人皆淝人餘諸道人又有僧道漁樵之屬十人錄其小事故名小錄

江淮異人錄二卷

陳氏曰吳淑撰所記道流俠客術士之類凡二十五人

南唐烈祖開基誌十卷

陳氏曰南唐滁州刺史王顏撰起天祐乙丑正昇元癸卯合三十九年

南唐烈祖實錄十三卷

陳氏曰南唐史館修撰高遠撰闕第八第十二卷遠又嘗為吳錄二十卷而徐鉉鄭文寶皆去開寶中遠始緝昇元以來事書未成而疾焚其草故事多遺落

江南錄十卷

晁氏曰皇朝徐鉉等撰鉉等自江南歸朝奉詔集李氏時事王介甫嘗謂鉉書至亡國之際不言其君之過但以曆數存亡論之於春秋箕子之義為得也雖然潘佑以直見殺而鉉書佑死以妖妄殆與佑爭名且取其善不及佑故匿其忠汚之以罪耳若然豈唯厚誣忠臣其欺吾君不亦甚乎世多以介甫之言為然獨劉道原得佑子華所上其父事跡略與江南錄所書同乃知鉉等非欺誣也

陳氏曰徐鉉湯悅撰二人皆唐舊臣故太宗命之撰湯悅即殷

崇義避宣祖諱并姓改焉

南唐近事二卷

晁氏曰皇朝鄭文寶編記李氏三主四十年間雜事

陳氏曰起天福己酉終開寶乙亥然泛記雜事實小說傳記之流耳

江南別錄四卷

晁氏曰皇朝陳彭年撰偽吳偽唐四主傳也

江表志三卷

晁氏曰鄭文寶撰序言徐鉉湯悅所錄事多遺落無年可編然前錄固為略而尤以年月記事今此書亦止雜記如事實之類耳近事稱太平興國二年丁丑今稱庚戌者大中祥符三年

江南野史二十卷

晁氏曰皇朝龍克撰凡八十四傳

江南館載二卷

陳氏曰不著姓名序言徐鉉始奉詔為江南錄其後王舉路陳彭年楊億皆有書大槩六家皆不足以史稱而龍克為尤甚熙寧八年得鄭君所述於楚州其事迹有六家所遺或小異者刪落是正取百九十五段以類相從鄭君者莫知何人南唐書三十卷

陳氏曰陽羨馬令撰序言其祖太博元康世家金陵多知南唐故事未及撰次今纂先志而成之實崇寧乙酉其書略備記傳體亦言徐湯之疎略云

新修南唐書十五卷

陳氏曰寶謨閣待制山陰陸游務觀撰采獲諸書頗有史法

蜀桂堂編事二十卷

晁氏曰偽蜀楊九齡撰雜記孟氏廣政中舉試事載詩賦策題及知舉登科人姓氏且云科舉起於隋開皇前陋者謂唐太宗時非也

外史禱杭十卷

晁氏曰皇朝張唐英次公撰稱王建孟知祥父子四世八十年比之公孫述輩最為久遠其間善惡有可為世戒者路振之書未備治平成此書以補其遺凡五代史及皇朝日曆所書皆略之溫公修通鑑搜羅小說殆遍未嘗取此書蓋多舛舛如光大至二年之類是也

陳氏曰唐英自號黃松子商英之兄也

前蜀記事二卷

陳氏曰偽蜀學士毛文錫平珪撰起唐明貞子蓋天福甲子凡二十五年文錫唐太僕卿龜範之子十四登進士第入蜀仕建至判樞密院隨衍入洛而卒

後蜀記事十卷

陳氏曰直史館太常博士董淳撰惟記孟昶事

吳越備史九卷

陳氏曰吳越掌書記范垌巡官林禹撰按中興書目其初十二卷盡開寶三年後又增三卷至雍熙四年今書止石晉開運比初闕三卷

吳越備史遺事五卷

陳氏曰全州觀察使錢儼撰倣之弟也其序云備史亦其所作托名林范而遺名墜迹殊聞異見闕漏未盡者復為是編時皇

宋平南海之二年吳興西齋序蓋開寶五年也儼以三年代其兄德刺湖州

閩中實錄十卷

陳氏曰周顯德中揚州永貞縣令蔣文揮記閩王審知父子及將吏儒士僧道事迹未亦略及山川土物

閩王列傳一卷

陳氏曰秘書監晉江陳致雍撰二世七主通六十年

閩王事迹一卷

陳氏曰不知何人作末稱光啓二年至天聖元年一百三十八年所記頗詳

三楚新錄三卷

陳氏曰知桂州脩仁縣周羽冲撰上卷為湖南馬殷中卷為武

陵周行逢下卷為荆南高季興

湖南故事十卷

陳氏曰不知作者記馬氏至周行逢事館閣書目作十三卷蓋為列傳十三篇其實十卷也文辭鄙甚

五國故事二卷

陳氏曰不知作者記吳蜀閩漢諸國事

九國志五十一卷

晁氏曰皇朝路振子發撰雜記吳越唐前後蜀東漢南漢閩楚凡十國

陳氏曰各為世家列傳凡四十九卷末二卷為北楚言高季興事張唐英所補撰

十國紀年四十二卷

晁氏曰皇朝劉恕道原撰溫公序云煥之子也博學強記同修通鑑史事之紛錯難治者以諉恕宋次道知亳州家多書恕往借觀之目為之矚性剛介初與王安石善及改新法言其非遂與之絕卒年四十九所謂十國者一王蜀二孟蜀三吳四唐五吳越六閩七楚八南漢九荆南十北漢溫公又題其後云世稱路氏九國志在五代之史中最佳此書史過之以予考之長於考異同而拙於屬文其書國朝事皆曰宋而無所隱諱意者各以其國為主耳

天下大定錄一卷

陳氏曰殿中丞通判桂州王舉撰景祐間人始高季興終劉繼元其所記疎略獨江南稍詳本十卷今但為一卷恐非全書也虜廷雜記十卷

晁氏曰契丹降人趙志忠撰記虜廷雜事始於阿祿謹迄耶律宗真李清臣云志忠仕虜為中書舍人得罪來歸上此書及契丹地圖言虜中甚詳

陰山雜錄十六卷

契丹錄一卷

陳氏曰不著名氏莆田鄭氏書目云趙志忠撰歐公歸田錄云志忠本華人自幼陷虜為人明敏在虜中舉進士至顯官歸國能述虜中君臣世次山川風物甚詳今觀此書可以際見矣其首一卷名契丹錄

契丹疆宇圖一卷

陳氏曰不著名氏錄契丹諸夷地及中國所失地

遼四京記

陳氏曰亦無名氏曰東京中京上京燕京

燕北雜錄五卷西征塞地圖附

陳氏曰心妍武珪記嘉祐六年宮苑使知雒州趙某進于朝珪亦自契丹逃歸事見國史傳

匈奴須知一冊

晁氏曰契丹歸明人田緯編次錄契丹地理官制

辨鷓錄一卷

陳氏曰不著名氏契丹譯語也凡八篇

虜庭須知一卷

陳氏曰左藏庫副使知安肅軍陳昉撰熙寧元年集賢校理胡穆為之序凡二十一條目

載斗奉使錄二卷

晁氏曰皇朝王暉撰景德三年為契丹主生辰使祥符二年為

生辰國信語錄一卷

晁氏曰皇朝寇瑊與景德與天聖六年使契丹賀其主生辰往返語錄并景德二年至天聖八年使副姓名及雜議于後

張浮休使遼錄二卷

晁氏曰皇朝元祐甲戌春張舜民被命為回謝大遼弔祭使鄭介為副錄其往返地里及話言也舜民字之叟自號浮休居士

北遼遺事二卷

晁氏曰不題撰人蓋遼人也記女真滅遼事序云遼國自阿保機創業於其初德光恢廓於其後吞滅諸蕃割據漢界南北開疆五千里東西四千里戎器之備戰馬之多前古未有子孫繼統二百三十餘年迨至天祚失御文真稱兵十二年間舉國土

崩古人謂得之難而失之易非虛言耳

陳氏曰燕山史愿撰一名金人亡遼錄

金虜節要一卷 一作三卷

晁氏曰陷虜人所上也記金人初內侮止紹興十年共十六年
事頗詳實

陳氏曰右從事郎充人張匯東鄉撰宣和中隨父官保州陷虜
十五年至紹興十年歸朝

金虜志二卷 又一卷

陳氏曰承奉郎張棟撰淳熙中歸明人記虜中事頗詳又一卷
不著名氏似節略張棟書其末又雜錄虜界事宜及逆亮以後
事

松漠記聞二卷

陳氏曰徽猷閣直學士番易洪皓光弼撰皓奉使留虜中錄所
聞雜事

征蒙記一卷

陳氏曰金人明威將軍登州刺史李大諒撰建炎鉅寇之子隨
其父成降虜者也

偽楚錄二卷

偽齊錄二卷

陳氏曰並不著名氏

金人南遷錄一卷

陳氏曰稱偽著作郎張師顏撰初見此書疑非北人語其間有
曉然傳會者或曰華岳所為也近扣之汴人張總翼則云歲月
皆牴牾不合益證其妄

西夏須知一卷

西夏通考二卷

西夏通考

晁氏曰皇朝劉溫潤守延州日編錄偽境雜事

陳氏曰凡十五條目

蕃爾雅十卷

晁氏曰不載著人姓名以夏人語依爾雅體譯以華言

夏國樞要二卷

晁氏曰皇朝孫巽纂記夏虜兵屯會要土地肥磽井泉湧涸穀粟豐歲首蒙姓氏各位司存與夫咸池之完缺風俗之所向編為兩帙上之朝

西域志十二卷

晁氏曰唐僧玄奘撰奘西游天竺求佛書既歸記其所歷諸國風俗其自序云自黑領以西皆土著尚東左祗務田畜重財賄嫁娶無禮獨天竺則異別記於後云或云玄奘譯大總持寺僧

辨機撰

鷄林志三十卷

晁氏曰皇朝崇寧中王雲編次崇寧中劉達吳拭使高麗雲為書記官既歸攜輯其會見之禮聘問之辭類分為入門

陳氏曰自元豐創通高麗以後事實皆詳載之

海外便程廣記三卷

陳氏曰南唐如京使章僚撰使高麗所記海道及其國山川事跡物產甚詳史虛白為作序稱己未十月蓋本朝開國前一歲也

高麗圖經四十卷

陳氏曰奉議郎徐競明叔撰宣和六年路允迪傳墨卿使高麗競為之屬歸上此書圖其形事為之說今所刊不復有圖矣競

文獻通考卷二百

正音

九

鉉之後

南詔錄三卷

陳氏曰唐嶺南節度巡官徐雲虔撰乾符中邕中遣雲虔使南詔所作上卷記山川風俗後二卷紀行及使事

雲南行記二卷

晁氏曰唐韋齊休撰齊休長慶三年從韋審規使雲南記其往來道里及其見聞序謂雲南所以能為唐患者以開道越雋耳若自黎州之南清溪關外盡斥棄之疆場可以無虞不然憂未艾也及唐之亡禍果由此本朝棄雋州不守而遂無邊患以此論之則齊休之言可不謂善哉

雲南志十卷

晁氏曰唐樊綽撰咸通中南詔數寇邊綽為安南宣慰使纂入

詔始末名號種族風俗物產山川險易疆境接聯聞于朝

至道雲南錄三卷

晁氏曰皇朝辛怡顯撰蜀賊李順既平餘黨竄入雲南雷有終募怡顯招出之至道初歸因書其所歷成此書

陳氏曰怡顯入雲南招李順餘黨因賜誓告勅而遂為此錄天禧四年自序稱左侍禁知興化軍或云此書妄也余在莆田視壁記無怡顯名字恐或然

皇祐平蠻記一卷

晁氏曰皇朝馮炳煥撰記懷志高叛朝廷遣狄青平之

南蠻錄十卷

晁氏曰未詳撰人熙寧間交趾叛朝廷議討之或纂歷代南蠻事迹及便宜上之

文獻通考卷二百

經籍考

九

諸蕃志二卷

陳氏曰福建提舉市舶趙汝适記諸蕃國及物貨所出

右偽史霸史

劉氏史通二十卷

晁氏曰唐劉知幾撰知幾長安神龍間三為史官頗不得志乃以前代書史序其體法因習廢置掇其得失述作曲直分內外篇著為評議備載史策之要當時徐堅深重之云居史職者宜置坐居玄宗朝詔其家錄進上讀而善之宋子京稱唐舊史之文猥釀不綱謂知幾工訶古人而拙於用已觀此書知子京之論不誣前世史部中有史抄類而集部中有文史類今世抄節之學不行而論說者為多故自文史類內摘出論史者為史評附史部而廢史抄云

陳氏曰其著書亦博矣史通者漢封司馬遷後為史通子亦燕白虎通之義也

史通析微十卷

晁氏曰唐柳璨昭之撰璨以劉子玄史通妄誣聖哲評湯之德為偽迹論桀之惡為厚誣謗周公云不臣褒武庚以徇節其甚至於彈劾仲尼因討論其舛謬共成五十篇蕭統云論則析理精微故以為名乾寧四年書成唐史云璨公綽族孫少孤貧好學著史通析微時或稱之起布衣至於相不四歲按唐紀相璨在天祐改元則書成猶未仕也

史例三卷

陳氏曰唐右補闕劉餗鼎卿撰知幾次子也

歷代史贊論五十四卷

歷代史贊論五十四卷

歷代史贊論五十四卷

歷代史贊論五十四卷

晁氏曰未詳撰人纂史記迄五代史臣贊論

歷代史辨志五卷

晁氏曰未詳撰人亦有可觀者凡百許篇序謂人之志有甚微者不可不辨故以名書

通鑑釋文二十卷

陳氏曰司課司馬康公休撰温公之子

通鑑釋文三十卷

陳氏曰左宣義郎眉山史炤見可撰馮時行為之序今考之公休之書大略同而加詳焉蓋因其舊而附益之也

通鑑前例一卷修書帖一卷三十六條四圖共一卷

陳氏曰司馬光記集修書凡例諸帙則與書局官屬劉恕范祖禹往來書簡也其魯孫侍郎叔季思哀於一篇又以前例分為

三十六條而考其離合稽其授受推其甲子括其卷帙分為四圖

通鑑問疑一卷

陳氏曰高安劉義仲壯輿纂集其父道原與温公往復相繼者亦附修書帖後

讀史管見三十卷

陳氏曰禮部侍郎建安胡寅明仲以通鑑事備而義少故為此書議論宏偉嚴正間有感於時事其於熙豐以後接于紹興權姦之禍尤拳拳寓意焉晦庵綱目亦多取之

朱子語錄胡致堂議論英發人物偉然讀史管見乃嶺表所作當時並無一冊文字隨行只是記憶所以其間有抵牾處南軒言管見專為秦檜設豈有言天下之事而專於一人者先生

曰儘有好處但好惡不相掩耳又曰致堂管見方是議論唐鑑
議論弱又有不相應處前面說一項事未又說別處去

通鑑論篤三卷

陳氏曰待講廣漢張拭欽夫撰取通鑑中言論之精確者表而
出之多或全篇少至一二語去取甚嚴可以見前輩讀書眼力
之高

南北籌邊十八卷

臨江魯三英無愧撰周平園序略曰南渡初士大夫日夜防守
江淮計時右正言呂祉帥金陵與其屬吳若陳克著東南防守
利便三卷上之事既詳實文亦條暢其後有尚書郎臨川吳魯
著南北征伐編年二十三卷起三國終五代凡古今形勢師旅
勝負該貫無遺仍集當時君臣議論為分門事類一十二卷其

相謀相應攻守通好可指諸掌視社之書益於詳焉今臨江魯
君王英復為南北邊籌十人篇南之攻北其事有九諸葛亮紀
瞻褚哀元溫劉裕宋文帝陳顯達沈慶之吳明徹是也北之圖
南其事亦九曹操魏明帝羊祜苻堅拓跋太武孝文元英邢巒
北齊是也人為一論論指一事皆援昔以證今因迹以求心即
成而究敗考古可謂勤而用志可謂切矣

史記音義二十卷

陳氏曰唐崇賢館學士劉伯莊撰真觀初奉敕講授采鄒誕生
徐廣及隋柳顧言音義而為此書

史記索隱三十卷

晁氏曰唐司馬貞撰據徐裴注糾正抵牾援據密微如東坡辨
宰我未嘗從田常為亂蓋本諸貞也

陳氏曰採摭異聞釋文演注末二卷為述贊為三皇本紀世號小司馬史記

附索隱史記一百三十卷

陳氏曰淳熙中廣漢張材介仲刊于桐川郡齊削去褚少孫所續而附以司馬貞索隱其後江陰耿秉直之復取所削者別刊之

史記正義二十卷

陳氏曰唐諸王侍讀張守節撰開元二十四年作序

崇文總目為漢書學者此最精博

陳伯宣注史記八十七卷

崇文總目唐陳伯宣撰因裴駙說有所未悉頗增損焉然多取司馬氏索隱以為已說今篇殘缺

遼史刪改古書異辭十二卷

陳氏曰倪思撰以遷史多易經語更簡嚴為平異體當然也然易辭而失其義書事而與經易者多不可以無考故為是編經之外與他書異者亦并載焉

班馬異同三十五卷

陳氏曰倪思撰以班史仍史記之舊而多刪改大抵務趨簡嚴然或刪而遺其事實或改而失其本意因其異則可以知其筆力之優劣而又知作史述史之法矣

新校史記一百三十卷

新校前漢書一百卷

新校後漢書九十卷

三史刊誤四十五卷

崇文總目皇朝張觀等校定初秘書丞余靖上言國子監所收史記漢書誤請行校正詔翰林學士張觀知制誥李淑宋祁與

靖洎直講王洙於崇文院讎對靖等悉取三館諸本及先儒注
解訓傳六經小說字林說文之類數百家之書以相參校凡所
是正增損數千言尤為精備逾年而上之靖等又自錄其讎校
之說別為刊誤四十五卷

漢書問答五卷

崇文總目唐沈遵行撰采諸儒為漢書說者申釋其義有傳聞
之益然篇第頗差討求未獲闕劉傳以下諸篇

三劉漢書標注六卷

一作一卷

晁氏曰皇朝劉敞原父弟攸貢父子奉世仲馮撰劉跂嘗跋其
書尾云余為學官亳州故中書劉舍人實為守從容出所讀漢
書示余曰欲作補注未能也然卷中題識已多公之子方山亞
夫錄以相示也

陳氏曰又本題公非先生刊誤其實一書公非貢父自號漢書
自顏監之後舉世宗之未有能異其說者至劉氏兄弟始為此
書多所辨正發明

呂氏前漢論三十卷

晁氏曰皇朝呂大忠晉伯撰予得其本於銅梁令呂肇修撰及
陵諸孫也

西漢發揮十卷

晁氏曰皇朝劉涇巨濟撰涇蜀人

西漢決疑五卷

陳氏曰國子司業苑丘王述致君撰一曰失實二曰引古三曰
異言四曰雜證五曰注釋

西漢史抄十七卷

兩漢博議十四卷

中興藝文志陳傳良撰指摘精要裨正闕誤如制度始末因革則條其大意遺其煩碎而一代之興衰治體人才紀綱風俗亦略矣博議陳季雅所撰關涉尤大

東漢刊誤一卷

晁氏曰劉放貢父撰放序英宗讀後漢書見墾田字皆作懇字命國子監刊正放為直講校正其謬誤不可勝筭然此書世無善本率以已意定之治平三年奏御放號有史學溫公修通鑑以兩漢事付之

兩漢博聞十二卷

晁氏曰皇朝楊侃纂景德中侃讀兩漢書取其名數前儒解釋為此書以資涉獵者侃嘗編職林此亦其類也
兩漢刊誤補遺十七卷

陳氏曰國子博士吳仁傑斗南撰補三劉之遺也

三國人物論三卷

晁氏曰皇朝楊祐甫撰蜀人

晉書指掌十二卷

晁氏曰皇朝劉葢編以晉書事實以類分為六十五門

唐書直筆新例四卷

晁氏曰皇朝呂夏卿撰夏卿強記絕人預修新史此其在書局時所建明歐宋間有取焉如增入高祖宇文德之類是也

陳氏曰紀傳志各一卷末一卷摘舊史繁闕又為新例須知附

于後略舉名數如目錄之類記新書比舊增減志傳及總類

唐書音訓四卷

晁氏曰皇朝竇革撰新書多奇字觀者必資訓釋革問學精博

發揮良多而其書時有攻革者不知何人附益之也

唐書音義三十卷

晁氏曰未詳撰人比竇氏書大略同而稍簡乃析為三十卷

唐書辨證二十卷

一名糾謬

晁氏曰皇朝吳縝撰縝字廷珍成都人仕至郡守數新書初修之時其失有八類其舛誤二十門凡四百餘事縝不能屬文多誤有詆訶如新書張九齡傳云武惠妃陷太子瑛遣官奴告之曰廢必有與公為援宰相可常處九齡奏之故卒九齡相而太子無患縝以為時九齡已相而太子竟以廢死以為新書似實而虛按史之文謂終九齡在相位日太子得不廢也豈謂卒以九齡為相太子終無患乎初名糾謬其後改云辨證實一書也王氏揮塵錄曰嘉祐中詔宋景又歐陽文忠諸公重修唐書時

有蜀人吳縝者初登第因范景仁而請于文忠願預官屬之末上書文忠言甚懇切文忠以其年少輕佻拒之縝執執而去逮夫新書之成迺從其間指摘瑕疵為糾謬一書至元祐中縝遊宦蹉跎老為郡守與五代史纂設俱刊行之紹興中福唐吳仲實元美為湖州教授復刻于郡庠且作後序以謂鍼膏盲起廢疾社預實為左氏之忠臣然不知縝著書之本意也

陳氏曰其父師孟顯於熙豐此書紹聖初上之

注唐記十卷

晁氏曰題曰樊先生而不詳其名近代人所著新書紀也

唐書列傳辨證二十卷

陳氏曰端明殿學士玉山汪應辰聖錫撰專攻列傳不及紀志以元祐名賢謂列傳記事毀於鐫削暗於藻繪故隨事辨證之

新唐書畧三十五卷

陳氏曰呂祖謙授徒患新史難閱摘要抹出而門人抄之蓋節本之有倫理者也

唐史要論十卷 一作論斷二卷

晁氏曰皇朝孫甫之翰撰歐陽永叔司馬溫公蘇子瞻稱其書議論精覈以為舊史所不及終於天章閣待制

朱子語錄司馬溫公書孫公唐史後云孫公之翰昔著此書甚自重惜嘗別緘其藁於笥必盥手然後啓之謂家人曰萬一有水火兵甲之急他貨財盡棄之此笥不可失也公私少間則增損改易未嘗去手其在江東為轉運使出行部亦以自隨過亭休止輒取修之會宣州有急變乘驛遽往不暇挈以俱既行之後金陵大火延及轉運廨舍第子察親負其笥避於沼中島上公在宣州聞之亟還入門問曰唐書在乎察對曰在乃悅餘無所問自壯年至于白首乃成亦未以示人文潞公執政嘗從公借之

又曰伯恭晚年謂人曰孫之翰唐論勝唐鑑要之也是切於事情只是大綱却不正了

陳氏曰甫以唐書煩冗遺畧多失體法乃修為唐史用編年體自康定元年逮嘉祐元年成書七十五卷為論九十二首甫沒朝廷取其書留禁中其從子察錄以遺溫公而世亦罕見蜀有刻本未有之今惟諸論存焉

唐鑑二十卷

晁氏曰皇朝范祖禹醇夫撰醇夫為溫公通鑑局編修官十五年分掌唐史以其所自得著成此書取武后臨朝二十一年繫

之中宗其言曰此春秋公在乾侯之義也雖得罪於君子有所

不辭觀此則知醇夫之從公決非苟同者凡三百六篇

宋子語錄曰范太公唐鑑第一段論守臣節處不圓要做一書
補之不曾做得范氏此文字草草之甚其人資質渾厚說得都
如此平正只是疎多不入理終守臣節處於此亦須有些處置
豈可便如此休了如此議論豈不為英雄所笑又曰唐鑑有疎
處孫之翰唐論精細說得利害如身親歷之但理不及唐鑑耳
又曰唐鑑多說得散開無收殺如姚崇論擇十道使患未得人
他自說得意不知范氏何故却貶其說又曰唐鑑白馬之禍歐
公論不及此

又曰唐鑑有緩而不精確處如言租庸調及楊炎二稅之法說
得都無收殺只云在於得人不在乎法有這般苟且處它是見

熙寧間詳於制度故有激而言只那有激便不平直

陳氏曰元祐初上此書

唐史評三卷

晁氏曰題曰適適先生不詳何人門人譙孝寧為編次

五代史纂誤五卷

雜錄一卷

晁氏曰皇朝吳縝撰凡二百餘事皆歐陽永叔新五代史抵牾
舛訛也按通鑑考異證歐陽史差誤如莊宗還三矢事之類甚
衆今此書皆不及之特證其字之脫錯而已又善本未必皆然
陳氏曰宇文時中守吳興郡庠有二史板遂二書刻之後皆取
入國子監初郡人思溪王氏刻叢經有餘板以刊二史實郡庠
中興監軍多闕遂取其板以往今監本是也

典故辨疑二十卷

文獻通考卷二百

卷二百

十一

儒林郎主管尚書吏部架閣文字李大性撰淳熙十三年投進
自為序略曰仰惟皇朝聖明相紹明良之懿著在青史坦然明
白信以傳信而纓紳相屬佔畢益繁私史薦興說令蠶午朱紫
苗莠混為一區熙朝盛美未免蒙翳請略舉數端言之如梅堯
臣碧雲駮非堯臣所撰孔平仲雜錄非平仲所述建隆遺事次
王禹偁名而實非禹偁志恠集括異志倦游錄以張師正名而
實非師正涑水記聞雖出於司馬光而多所增益談叢雖出於
陳師道而多所設盃以至王安石日錄蔡條國史後補又皆不
足以取信儒者俱嘗言之而未之詳辨也矧其言者乎蓋嘗推
其疇品為說滋夥數其差舛不見彈述雖云爍火之衆於大明
何傷於微塵纖埃非全鏡所宜有也然則丹鉛點勘寤疑辨惑
匪書生職歟臣大懼私史踳駁或為正史之蠹輒擷其事而正
之伏自忖念衡茅之下多未見之書樸楸之材無竒特之見固
不當自寘于五不韙之域以好嚴誅而孤忠拳拳所欲辨明懷
不能已非敢遠慕昔人作指瑕糾謬之書以詒攻訶之誚獨取
熙朝美事及名卿才大夫之卓卓可稱而其事為野史語錄所
翳者辨而明之參其歲月質其名氏爵位而考證焉其或傳聞
異詞難以示信以意逆志雖知其非而未有曉然依據則姑置
弗辨其所辨者必得所證而後為之說焉所辨凡二百條釐為
二十卷名之曰典故辨疑

右史評史抄

文獻通考卷之二百

文獻通考卷之二百一

鄱陽 馬 端臨 貴與 著

經籍考

史

故事

隋經籍志曰古者朝廷之政發號施令百司奉之歲于官府各
 脩其職守而弗忘春秋傳曰吾視諸故府則其事也周官御史
 掌治朝之法太史掌萬民之約契與質劑以逆邦國之治然則
 百司庶府各藏其事太史之職又總而掌之漢時蕭何定律令
 張蒼制章程叔孫通定儀法條流派別制度漸廣晉初甲令已
 下至九百餘卷晉武帝命車騎將軍賈充傳引群儒刪采其要
 增律十篇其餘不足經遠者為法令施行制度者為令品式章

程者為故事各選其官府摺紳之士撰而錄之遂成篇卷然亦
隋代遺失今據其見存謂之舊事篇

宋三朝藝文志曰西漢有掌故之吏以主故事則名之所起不
其遠乎魏相為丞相務在奉行故事孔光領樞機亦守法度修
故事耳然則師古之學當世之要務隋唐載故事數十家皆臺
閣府署舊制及諸遺風異跡之事今所存惟二三書又取後之
纂類附近者著之

隋志二十五部四百四卷

唐志十七家四十三部四百九十六卷失名姓二十五家裴矩
以下不著錄十六家九

卷十

宋三朝志十六部八十六卷

宋兩朝志六部六十三卷

宋四朝志六十四部九百二十卷

宋中興志一百七十家一百八十九部一千九百九卷

職官

隋經籍志曰古之仕者名書於所臣之策各有分職以相統治
周官冢宰掌建邦之六典而御史數凡從政者然則冢宰總六
卿之屬以治其政御史掌其在位名數先後之次焉今漢書百
官表列眾職之事記在位之次蓋亦古之制也漢末王隆應劭
等以百官表不具乃作漢官解詁漢官儀等書是後相因正史
表志無復百僚在官之名矣摺紳之徒或取官曹各品之書撰
而錄之別行於世宋齊已後其書益繁而篇卷零疊易為亡散
又多瑣細不足可紀故刪其見存可觀者編為職官篇

隋志二十七部三百三十六卷通計亡書三十六
部四百三十三卷

唐志十九家二十六部二百六十二卷失姓名十家六典以下不著錄二十九家二百

八十

宋三朝志三十四部二百一十三卷

宋兩朝志八部三十二卷

宋四朝志十二部一百三十二卷

宋中興志三十六家四十二部四百一十三卷

刑法

隋經籍志曰刑法者先王所以懲罪惡齊不軌者也書述唐虞之世五刑有服而夏后氏正刑有五科條三千周官司寇掌三典以刑邦國司刑掌五刑之法麗萬民之罪太史又以典法誥干邦國內史執國法以考政事春秋傳曰在九刑不忘然則刑書之作久矣蓋嚴于官府懼人之知爭端而輕於犯及其末也

肆情越法刑罰僭濫至秦重之以苛虐先王之正刑滅矣漢初蕭何定律九章其後漸更增益令甲巳下盈溢架嚴晉初賈充杜預刪而定之有律有令有故事梁時又取故事之宜於時者為梁科後齊武帝時又於麟趾殿刪正刑典謂之麟趾格後周太祖又命蘇綽撰大統式隋則律令格式並行自律以下世有改作事在刑法志漢律久亡故事駁議又多零失今錄其見存可觀者編為刑法篇

唐志二十八家六十一部一千四卷失姓名九家自開元新格以下不著錄十三家三百

三十卷

宋三朝志四十三部六百九十四卷

宋兩朝志三十四部三百七十七卷

宋四朝志一百一十二部一萬七千三百卷

宋中興志八十七家九十四部三千九百三十卷

地理

隋經籍志曰昔者先王之化民也以五方土地風氣所生剛柔輕重飲食衣服各有其性不可遷變是故疆理天下物其土宜知其利害達其志而通其欲齊其政而修其教故曰廣谷大川異制人居其間異俗書錄禹別九州定其山川分其圻界條其物產辨其貢賦斯之謂也周則夏官司險掌建九州之圖周知山林川澤之阻達其道路地官誦訓掌方志以詔觀事以知地俗春官保章以星土辨九州之地所封之域以觀祿祥秋官職方掌天下之圖地辨四夷八蠻九貉五戎六狄之人與其財用九穀六畜之數周知利害辨九州之國使同其貫司徒掌邦之土地之圖與其人民之教以佐王擾邦國周知九州之域廣輪

之數辨其山林川澤丘陵墳衍原隰之名物及土會之法然則其事分在衆職而冢宰掌建邦之六典實總其事太史以典逆冢宰之治其書蓋亦總為史官之職漢初蕭何得秦圖書故知天下要害後又得山海經相傳以為夏禹所記武帝時計書既上太史郡國地志固亦在焉而史遷所記但述河渠而已其後劉向畧言地域丞相張禹所屬朱貢條記風俗班固因之作地理志其州國郡縣山川夷險時俗之異經星之分風氣所生區域之廣戶口之數各有攸叙與古禹貢周官所記相埒是後載筆之士管窺末學不能及遠但記州郡之名而已晉世摯虞依禹貢周官作畿服經其州郡及縣分野封畧事業國邑山陵水泉鄉亭道里土田民物風俗先賢舊好靡不具悉凡一百七十卷今亡而學者因其經歷並有紀載然不能成一家之體齊時

陸澄聚一百六十家之說依其前後遠近編而為部謂之地理書任昉又增陸澄之書八十四家謂之地記陳時顧野王抄撰眾家之言作輿地志隋代有諸郡物產土俗記一百五十一卷區地圖上于尚書故隋代有諸郡物產土俗記一百五十一卷區宇圖志一百二十九卷諸州圖經集一百卷其餘記注甚衆今任陸二家所記之內而又別行者各錄在其書之上自餘次之於下以備地理之記焉

隋志一百三十九部一千四百三十二卷通計亡書合一百四十部一十四百二十

唐志六十三家一百六部一千二百九十二卷失姓名三十一家李楷以下不

宋三朝志九十五部二千三百二十八卷卷四

宋兩朝志二十八部一百八十三卷

宋四朝志四十二部六百七十七卷

宋中興志三百二十二家三百三十六部三千四百七十一卷

時令

宋中興藝文志前史時令皆入子部農家類惟中興館閣書目別為一類列之史部以諸家所載不專為農事故也今從之凡十七家十八部一百九十九卷

譜系

隋經籍志曰氏姓之書其所曰來遠矣書稱別生分類傳曰天子建德因生以賜姓周家小史定繫世辨昭穆則亦史之職也秦兼天下剗除舊跡公侯子孫失其本繫漢初得世本叙黃帝已來祖世所出而漢又有帝王年譜後漢有鄧氏官譜晉世摯

虞作族姓昭穆記十卷齊梁之間其書轉廣後魏遷洛有八氏十姓咸出帝族又有三十六族則諸國之從魏者九十二姓世為部落大人者並為河南洛陽人其中國士人則第其門閥有四海大姓郡姓州姓縣姓及周太祖入關諸姓子孫有功者並令為其宗長仍撰譜錄紀其所承又以關內諸州為其本望其鄧氏官譜及族姓昭穆記晉亂已亡自餘亦多遺失今錄其見存者以為譜系篇

隋志四十一部三百六十卷通計亡書合五十三部一千二百八十卷

唐志十七家三十九部一千六百一十七卷

宋三朝志五十三部一百五十四卷

宋兩朝志九部六十二卷

宋四朝志十六部七十九卷

宋中興志五十三家五十九部二百二十三卷

目錄

隋經籍志曰古者史官既司典籍蓋有目錄以為綱紀體制理滅不可復知孔子刪書別為之序各陳作者所由韓毛二詩亦皆相類漢時劉向別錄劉歆七畧剖析條流各有其部推尋事跡疑即古之制也自是之後不能辨其流別但記書名而已傳覽之士疾其渾漫故王儉作七志阮孝緒作七錄並皆別行大體雖準向歆而遠不逮矣其先代目錄亦多散亡今總其見存編為簿錄篇

隋志三十部二百一十四卷

唐志十九家二十二部四百六卷失姓名二家毋翼以下不著錄十二家一百五十四卷

宋三朝志目錄十六部一百四十一卷

宋兩朝志十一部九十二卷

宋四朝志六部三十卷

宋中興志四十六家五十一部五百二十一卷

史故事

貞觀政要十卷

晁氏曰唐長兢撰以唐之極治貞觀為最故采時政之可備勸戒者上之於朝凡四十篇

陳氏曰前題衛尉少卿兼修國史按新舊書列傳兢未嘗為此官而書亦不記歲月但其首稱良相傳中安陽公中書令河東公亦未詳為何人館閣書目云神龍中所進當考

翰林盛事一卷

陳氏曰唐刻尉常山張著慶晦撰記儒人盛事自武德中迄于天寶首載張文成七登科者即著之祖也

衣冠盛事一卷

陳氏曰唐武功蘇特撰

太和辨謗略三卷

晁氏曰唐李德裕撰先是唐次錄周秦迄隋忠賢罹讒謗事德宗覽之不悅後憲宗以為善命令狐楚等廣之成十卷太和中文盛上之

陳氏曰李德裕以令狐楚所著刪其繁蕪益以唐事裁成三卷集賢裴麟為之序元和書今不存邯鄲書目亦止有前五卷

秦傳玉璽譜一卷

陳氏曰題博陵崔逢脩協律郎嚴士元重脩河東少尹魏德

謨潤色

國璽傳一卷

傳國璽記一卷

陳氏曰傳無名氏所記止唐肅宗記稱嚴士元與前大同小異

玉璽雜記一卷

陳氏曰徐景撰乾元元年七月記唐志有徐景玉璽正錄即此書也

楚寶傳一卷

陳氏曰杜確撰肅宗乾元二年楚州尼真如獻寶事

八寶記一卷

陳氏曰無名氏大觀二年

唐文宗朝備問一卷

陳氏曰不著名氏雜錄唐朝典故

通典二百卷

晁氏曰唐宰相杜祐撰先是劉秩採經史自黃帝迄天寶末制度沿革廢置論議得失倣周禮六官法為正典三十五篇房琯稱才過劉向祐以為未盡因廣之參以新禮為二百篇以食貨選舉職官禮樂刑法州郡邊防八門分類叙載世推該洽三十六年成書德宗時上之

續通典二百卷

陳氏曰翰林學士承旨大名宋白太素等撰咸平三年奉詔四年九月書成起唐至德初迄周顯德末王欽若言杜佑通典上下數千載為二百卷而其中四十卷為開元禮今之所載二百餘年亦如前書卷數時論非其重複

文獻卷之二

通典

七

國朝通典二百卷

陳氏曰不著名氏或言魏鶴山所為似方草創未成書也凡通典會要前書及館閣書目皆列之類書按通典載古今制度沿革會要專述典故非類書也

唐會要一百卷

晁氏曰皇朝王溥撰初唐蘇冕叙高祖至德宗九朝沿革損益之制大中七年詔崔鉉等撰次德宗以來事至宣宗大中二年以續冕書傳又採宣宗以後事共成百卷建隆二年二月奏御詞簡禮備太祖覽而嘉之詔藏於史閣

陳氏曰按唐志蘇冕會要四十卷續會要四十卷揚紹復等撰崔鉉監脩而會要稱杭州刺史蘇弁與兄冕續國朝故事為是書弁聚書至二萬卷次於集賢書閣

五代會要三十卷

晁氏曰皇朝王溥等撰采梁至周典故纂次建隆初上之三朝國朝會要一百五十卷

晁氏曰皇朝章得象天聖中被詔以國朝故事因革制度編次宋綬馮元李淑王舉正王洙同脩得象監總慶曆四年書成上之

六朝國朝會要三百卷

晁氏曰神宗朝以會要止於慶曆命王珪續之起於建隆之元迄于熙寧十年通舊書增損成是書總一十一類八百五十八間其間禮樂政令之大綱儀物事為之細目有關討論顧無不載文簡事詳一代之典備矣

節國朝會要十二卷

皇朝會要

皇朝會要

皇朝會要

續會要三百卷

晁氏曰皇朝范師道以章得象書繁多節其要以備檢

陳氏曰監修仙井虞允文并甫等上自紹興十年編修起元豐元年迄靖康之末乾道六年書成

巽齋李氏序畧曰徽宗初詔王覲曾肇續編元豐至元符尋復詔起治平四年止崇寧五年凡四十年二書皆弗克成政和末有司獨上帝系后妃吉禮三類總一百一十卷其書則通章得象王珪所編稍益以熙寧後事而此三類外皆未皇暇運遭百六史記放絕光堯壽聖太上皇帝甚憫焉紹興九年詔館職續編三十一年又降趣旨然闕簡破牘撥落匪易皇帝陛下纂修洪緒敷時繹思更命宰臣提舉閱再歲乃克成書斷自神宗之初迄于靖康之末凡六十年總三百卷分

二十一類六百六十六門竊惟五朝大政前書備載類仍舊章鮮所開創逮神哲徽欽之御世因時適變道與前異大抵革于熙寧復于元祐旋革于紹聖又復于元符再革遂臻崇觀政軍之豐豫以及靖康六十年間業廣事詳方策所記視前倍蓰今茲綴集於零落散亡之餘十僅得其六七誠不足允符神旨然科條粗舉部類各分禮樂兵財之大原儒術刑法之要指取賢欽才之品式設官分職之制度九州之別合四夷之服叛槩見于斯凡厥討論尚或有取

容齋洪氏隨筆曰國朝會要自元豐三百卷之後至崇寧政和間復置局修纂宣和初王黼秉政罷修書五十八所時會要已進一百十卷餘四百卷亦成但局中欲節次觀賞故未及上既有是命局官以謂若朝廷許立限了畢不過二兩月

可以投進而黼務悉矯蔡京所為故一切罷之官吏既散文書皆為棄物矣建炎三年外舅張淵道為太常博士時禮寺典籍散佚亡幾而京師未陷公為宰相言宜遣官往訪故府取見存圖籍悉輦而來以備掌故此若緩而甚急者也宰相不能用其後逆豫竊據鞠為煨燼吁可惜哉

中興會要二百卷

陳氏曰監修晉江梁克家叔子等上乾道六年既進續會要有旨自建炎元年續修正紹興三十二年九月成書

國朝會要總類五百八十八卷

陳氏曰李心傳所編合三書為一刻於蜀中其板今在國子監

三朝聖政錄十卷

晁氏曰皇朝富弼上言乞選官置局將三朝典故編成一書即命王洙余靖孫復歐陽脩編修分別事類成九十六門

陳氏曰其書初名太平故事凡九十六門每事之後各釋其意至紹興八年右朝議大夫呂源得舊印本刊正增廣名政要釋明策備上之於朝館閣書目指政要為寶訓非也

三朝寶訓三十卷

陳氏曰翰林學士李淑等撰天聖五年監修國史青社王曾奏乞用唐吳兢正觀政要故事取三朝聖語政事及臣僚奏對不入正史者別為一書與國史實錄並行至十年書成詔以寶訓為名其後進讀於邇英今館閣書目以為二十卷富弼所上者非也乃政要耳

王氏揮麈錄曰仁宗即位方十歲章獻明肅太后臨朝章獻

素多知謀分命儒臣馮章靖元孫宣公與宋宣獻綬等采摭歷代君臣事迹為觀文覽古一書祖宗故事為三朝寶訓十卷每卷十事又纂郊祀儀仗為鹵簿書三十卷詔翰林待詔高克明等繪畫之極為精妙叙事于左令傅母輩日夕侍上展玩之解釋誘進鏤板于禁中元豐末哲宗以九歲登極或

三朝訓鑒圖十卷

有以其事啓于宣仁聖烈皇后者亦命取板摹印做此為帝學之權輿分錫近臣及館殿時大父亦預其賜明清家因有之紹興中為秦伯陽所取

陳氏曰學士李淑楊偉等修纂慶曆八年偉初奉旨檢討三朝事迹乞與淑共編且乞製序皇祐元年書成項在甫日有售此書者亟求觀之則已為好事者所得蓋當時御府刻本也卷為一冊凡十事事為十圖飾以青赤亟命工傳錄凡字大小行廣狹設色規模一切從其舊歛衽鋪觀如生慶曆皇祐間目睹聖作明述之盛也按館閣書目載此書云繪采皆闕至續書目乃云得其全未知果當時刻本乎抑亦摹傳也按三朝寶訓一書直齋書錄解題以為宰相王魯奏請編修成於天聖十年凡三十卷揮塵錄以為章獻命儒臣所修成於天聖初年凡十卷殊不相脗合然揮塵錄所言禁中刻本且有繪圖則以即此三朝訓鑒圖十卷之書然直齋以此書為慶曆皇祐時所修纂則又與揮塵錄所謂仁皇初年傅母輩侍上展玩之語不合矣當俟考訂精者質之

仁宗政要四十卷

晁氏曰皇朝張唐英撰

仁皇訓典六卷

陳氏曰翰林侍講范祖禹撰元祐八年經筵所止凡三百十七條大畧亦用寶訓體

兩朝寶訓二十卷

陳氏曰禮部郎中長樂林希子中編進用天聖故事也元豐六年表上

神宗寶訓二十卷

晁氏曰皇朝林慮撰慮希之姪也剽聞神宗聖政輒稱記錄分一百門以續五朝寶訓崇寧上于朝

歷代年號并宮殿等名一卷

陳氏曰丞相饒陽李昉明叔在翰苑時所纂

朝制要覽五十卷

陳氏曰北田郎中宋咸撰此書傳於陸放翁書其後曰先君會稽公晚歲喜觀間為子弟講論因革率至夜分會稽公者宰元鈞也其書作於嘉祐中皆國初故實觀之使人有感焉

景德會計錄六卷

晁氏曰皇朝丁謂謂之撰謂景德中纂三司戶口稅賦之入及兵合吏祿之費會計天下每歲出納贏虧之數書成奏御陳氏曰謂時為三司使序言歲收兩京十七路帳籍四萬四百有七日入疾徐事一千五百文移倍之以李吉甫國計簿賈耽國要圖總其目得四十列為六卷一戶賦二郡縣三課入四歲用五祿食六雜記大抵取景德中一年為準

皇祐會計錄六卷

文獻卷之二

經籍考

十一

晁氏曰皇朝田况元鈞撰况兩為三司使謂夏竦佐命之後增兵比之景德幾一倍加之吏員益繁經費日侈民力日疲乃約丁謂會計錄以皇祐財賦所入多於景德而其出又多於所入著成此書上之庶幾朝廷稽祖宗之舊省浮費以裕斯民云

陳氏曰元鈞做景德之舊取一歲最中者為准又為儲運一篇以補其闕

春明退朝錄三卷

陳氏曰龍圖閣學士常山宋敏求次道撰所記多故實其父宣獻公綬居第在春明坊如晁氏稱昭德也

先朝政範一卷

陳氏曰直集賢院祖徠石介守道編進自任將至悔過凡十

二篇

尊號錄一卷

丞相安陸宋庠公序撰大意以為徽號夸詡非古而我祖宗往往謙遜不君猶願超然遠覽盡屏前號其愛君以德者歟至神宗遂却不受至于今行之

輔弼名對四一卷

天禧中前進士劉顏編自漢迄五代為四十門

青社賑濟錄一卷

丞相富文忠公弼青州救荒施行文牘也

元豐問事錄二卷

光祿事丞李德芻撰德芻邳李淑之子元豐中為詳定官制檢討文字詔旨所問奏藁錄為此書

官制局紀事一卷

李德芻奉旨編錄置局以來命官等事

中書備對十卷

晁氏曰皇朝元豐三年畢仲衍承詔編次曰周官所謂要會者正今日中書所宜有自漢至唐莫知議此今編成十卷凡一百二十五門附五十八事李清臣嘗與許將書云備對乃吳正憲公居宰路以聖問多出意表故令中書掾畢君為之其時預有畫旨諸司遇取會不許濡滯如此尚歷數年乃就後多有改革然事亦可槩見也

蔣魏公逸史二十卷

容齋洪氏隨筆曰蔣魏公逸史穎叔所著也多記當時典章文物之舊有數百冊兵火間盡失之其曾孫希始捃摭遺藁而成此書將以奏御以其副上之太史且板行之傳之天下後世既而不果蔣公在熙寧元祐崇寧時為博聞強識然閱其論述頗有可議恨不及丞相在日與之言大槩辨訂官制之訛誤也

呂申公掌記一卷

陳氏曰丞相申國呂公著晦叔撰在相位所記人材已用未用名姓及事當行已行條目

元祐榮觀集五卷

陳氏曰左朝奉大夫權太學正汪洙撰記元祐六年視學本末并群臣所上詩賦頌表之類張舜民芸叟為之序

泰陵故事二十卷

陳氏曰不著名氏皆叙宣仁臨朝九年中制誥表章奏議之屬

尊堯錄八卷

陳氏曰延平羅從彥仲素撰從彥師事楊時而李侗又師從彥所謂南劍三先生也從彥當靖康初為以本朝之禍起於熙豐不遵祖宗故實故采四朝事為此錄又李沆寇準王旦王曾杜衍韓琦范仲淹富弼司馬光程顥名輔臣儒十人言行附于其後末有別錄一卷專載司馬光論王安石陳瓘論蔡京奏疏欲上之朝不果嘉定中太守劉元濟得其書奏之且為板行

本朝事實三十卷

陳氏曰右承議郎李伋撰雜錄故事不成條貫統紀

皇朝治迹統類七十三卷

陳氏曰眉山彭百川叔融撰略用表樞通鑑本末條例為前

集四十卷中興後事為後集三十三卷

皇朝事類樞要二百五十卷

陳氏曰蜀人張和卿編集為一百五十門蓋舉子答策之具也

長樂財賦志十六卷

陳氏曰知漳州長樂何萬一之撰往在鄞學訪同官薛師雍子然几案間有書一編大畧述三山一郡財計而累朝詔令申明沿革甚詳其書雖為一郡設於天下實關通問所從得薛曰外舅陳止齋修圖經欲以為財賦一門後緣卷秩多不果入因借錄之書無標目以意命之曰三山財計本末及來莆田謂鄭寅子敬道之鄭曰家有何一之長樂財賦志豈此耶復借觀之良是其間亦微有增損末又有安撫司一卷併

抄錄附益為全書

內治聖監二十卷

陳氏曰起居舍人兼嘉王府贊讀清江彭龜年子壽撰取列聖脩身齊家教子訓齊宗室防制外戚宦官替御等事以紹熙五年表上之光宗稱善且曰祖宗家法最善漢唐不及也

高宗聖政草一卷

陳氏曰陸游在隆興初奉詔修高宗聖政草創凡例多出其手未成而去私篋不敢留棄他日追記得此錄之而書其後凡二十條

高宗孝宗聖政編要二十卷

陳氏曰高宗聖政五十卷孝宗聖政五十卷乾道淳熙中所脩皆有御製序此二秩書坊抄節以備舉子應用之儲也

孝宗聖政十二卷

陳氏曰亦書坊抄節比前為稍詳

按孝宗聖政係陳止齋奉詔擬御製序言起初潛至內禪掇其最凡得六百四十一條為五十卷紹興三年序會稽和買事宜七卷

陳氏曰浙東帥番湯洪邁景盧提舉常平三山鄭湜補之集初承平時預買令下守越者無遠慮凡一路州縣所不受之數悉受之故越之額特重以匹計者十四萬六千九百居浙東之半人戶百計規免皆詭為第五等戶而四等以上戶之害日益甚於是為畝頭均科之說者帥鄭丙少嘉憲立宗宗卿張詔君卿頌主之由淳熙十一年以後畧施行而議者多以狝科五等戶為不便參政李彥穎秀叔尚書王希呂仲

行先後帥越皆言之而王畫八事尤力會光廟亦以為貽窮
貧之害戶部尚書葉翥叔羽奏乞先減四萬四千餘匹上以
十萬為額而後均敷詔從之仍令侍從集議皆乞關併詭狹
遂詔邁混措置既畢以施行次第類成此書時紹熙元年也

劉忠肅救荒錄五卷

陳氏曰王居仁撰淳熙乙未樞密劉珙共父帥江東救荒本
末嘉定乙亥真景元刻之漕司以配韓富公青社之編而以
劉公行狀謚議附于後

西漢會要七十卷東漢會要四十卷

武學博士清江徐天麟仲祥撰以二史所載漢家制度典章
散於紀傳表者攸唐以來會要體分門編纂其用力勤矣其
言范曄志彙為謝儼蠟以覆車劉昭因曄遺緒註而補之夫

既曰蠟以覆車安得復有遺緒蓋未考昭之所著實司馬紹
統續漢書志也仲祥乙丑進士世有史學其世父慶莘尚老
著北盟會編父得之思叔為左氏國紀兄筠孟堅作漢官考
皆行於世

漢制叢錄三十三卷

袁夢麟應祥撰以二漢所紀典故分門編類凡二十五門

平陽會四卷

通直郎知平陽縣汪季良子駒撰平陽號難治為浙東三陽
之冠季良治有聲乃以一邑財計自兩稅而下為二十一篇
終於歲會旁通沿革本末大略備矣又為外篇五條如砧基
副本催科檢放及書手除科敷之類以為此財用所從出也
季良端明應辰之孫佳士且能吏也得年不永士論惜之

文獻卷之二
唐昌記二卷

知昌化縣趙希 克家撰

錢譜十卷

晁氏曰右梁顧烜嘗撰錢譜一卷唐張台亦有錢錄兩卷皇朝紹聖間 孝美以兩人所纂舛錯增廣成十卷分八品云

化泉錄一卷

晁氏曰右皇朝陶岳撰記五代諸侯擅改錢幣之由幽州嶺南福建湖南江南五國

續錢譜十卷

晁氏曰右皇朝董道撰道之祖嘗得古錢百令道考次其文譜之以前世帝王世次為序且言梁顧烜唐封演之譜浸汗蔽固不可用其譜自太昊葛天氏至堯舜夏商皆有錢幣其

穿鑿誕妄至此

泉志十五卷

陳氏曰洪遵景伯撰記歷代錢寶

浸銅要畧一卷

陳氏曰張甲撰稱德興草澤紹聖元年序蓋膽水浸鐵成銅之始甲參政子公之祖

冶金錄一卷

陳氏曰泉司吏所為也

鄭夾漈通志略

莆鄭樵漁仲撰淳熙間經進自序略曰江淹有言修史之難無出於志誠以志者憲章之所係非老於典故者不能為也不比純傳紀以年包事傳以事繫年儒學之士皆能為之惟

有志難其次莫如表所以范曄陳壽之徒能為紀傳而不敢
作表志志之大原起於爾雅司馬遷曰書班固曰志恭苞曰
意華嶠曰興張勃曰錄何法盛曰說餘史並承班固謂之志
皆詳於浮言略於事實不足以盡爾雅之義臣今總天下之
大學術而條其綱目名之曰畧凡二十略百代之憲章學者
之能事盡於此矣其五略漢唐諸儒所得而聞其十五略漢
唐諸儒所不得而聞也曰氏族略六書略七音略天文略地
里略都邑略謚略器服略樂藝文略校讎略圖譜金石略灾
祥略昆蟲草木略凡十五略出臣胃臆不泐漢唐諸儒議論
曰禮略職官略選舉略刑罰略凡前五略雖本無前人之典
亦非諸史之文也

按鄭氏此書名之曰通志其該括甚大卷首序論譏詆前

人高自稱許蓋自以為無復遺憾矣然夷考其書則氏族
六書七音等略考訂詳明議論精到所謂出臣胃臆非諸
儒所得聞者誠是也至於天文地理器服則失之太簡如
古人器服之制度至詳今止樽罍一二而謂之器服略可
乎若禮及職官選舉刑罰食貨五者則古今經制甚繁治
革不一故杜岐公通典之書五者居十之八然杜公生貞
元間故其所記述止於唐天寶今通志既自為一書則天
寶而後宋中興以前皆合陸續銓次如班固漢書續史記
武帝以後可也今通志此五略天寶以前則盡寫通典全
文略無增損天寶以後則竟不復陸續又以通典細注稱
為已意附其旁而亦無所發明通志此五畧中所謂臣臆
云云依一字寫者皆通典
細注疎略如此乃自謂雖本前人之典而亦非諸史之文
耳

不亦誣乎夾深譏司馬子長全用舊文更以里俗采摭未備筆削不遑又譏班孟堅全無學識專事剽竊自高祖至武帝七世盡竊遷書不以為慚至其所自為書則不堪檢點如此然則著述豈易言哉

又按此書刊本元無卷數止是逐略分為一二耳中興四朝藝文志別史類載通志二百卷其後叙述云中興初鄭樵采歷代史及它書自三皇迄隋為書曰通志倣遷固為記傳而改表為譜志為略則其為書似是節抄刪正歷代之正史如高峻之小史蘇子由之古史而非此二十略之書也但二十略序文後言於紀傳即其舊文從而損益制語書疏寘之別錄唐書五代史本朝大臣所修非微臣敢議故紀傳及隋若禮樂刑政務存因革固引而至唐云則

亦略言其作書之意豈彼二百卷者自為一書亦各之曰通志而於此序附言其意耶或併二十略共為一書耶當俟續考

文獻通考卷之二百二

鄱陽 馬 端臨 貴與 著

經籍考

史職官

漢官儀一卷續補一卷

陳氏曰後漢軍謀校尉汝南應劭仲遠撰按唐志有漢官五卷漢官儀十卷今惟存此一卷載三公官名及各姓州里而已其全書亡矣李塹李允嘗續補一卷

漢官典儀一卷續補一卷

陳氏曰漢衛尉蔡質撰雜記官制及上書謁見禮式隋志有漢官典職儀式二卷今存一卷李塹亦補一卷其續者皆出於史中採拾

漢官舊儀三卷

陳氏曰漢議郎東海衛宏敬仲撰或云胡廣按宏本傳作漢舊儀四篇以載西京雜事不名漢官今此惟三卷而又有漢官之目未知果當時本書否唐志亦無官字舊在儀注類以其載官制為多故著於此

唐六典三十卷

晁氏曰唐玄宗撰李林甫張說等注以三公三師三省九寺五監十二衛等列其職司官佐叙其秩品以擬周禮雖不能悉行於世而諸司遵用殆將過半觀唐會要請事者往往援據以為實章述以為書雖成而竟不行過矣然識者謂自唐虞至周有六官而無寺監自秦迄陳有寺監而無六官獨此書兼之故官皆複重也

陳氏曰題御撰李林甫等奉敕注按章述集賢記注開元十年起居舍人陸堅被旨修六典上手寫白麻紙凡六條曰理教禮政刑事典令以類相從撰錄以進張說以其事委徐堅思之歷年未知所適又委母舅余欽章述始以令式入六司象周禮六官之制其沿革並入注然用功艱難其後張九齡又以委咸二十六年奏草上至今在書院亦不行用今按新書百官志皆取此書即太宗貞觀六年所定官令也周官六職視周禮六典已有邦上邦事之殊不可考證唐制內外官與周制迥然不同而強名六典可乎善乎范太史祖禹之言曰既有太尉司徒司空而又有尚書省是政出於二也既有尚書省而又有九寺是政出於三也本朝裕陵好觀六典元豐官制盡用之中書造命門下審覆尚書奉行機事往往留

帶上意亦頗以為悔云

中台志十卷

晁氏曰唐李筌撰起殷周迄隋唐纂輔相邪正之迹分皇玉
霸亂亡五類以為鑒戒唐相以李林甫陳希烈附皇道筌上
元中自表天寶初追以綴名云

元和百司舉要二卷

陳氏曰唐宰相趙郡李吉甫弘憲撰首稱文班八十四司四
百六十員武班二十六司一百八十員都計六百四十員末
稱京文武官及府縣總三千七百九十九員意者當時實數
也

具負故事十卷

陳氏曰唐鳳閣舍人梁載言撰以唐官具負附之歷代事跡
蓋後人職林職官分紀之類所從始也或稱職祖連珠崇文
總目又作具負事跡中興書目惟有七卷三卷缺

官品纂要十卷

陳氏曰唐樂安任戩撰以官品令為主而階職勳爵隨品具
列歷代沿革頗著其要戩舉進士不第為此書當大和之丁
未

御史臺記十二卷

晁氏曰唐韓琬撰載唐元初至開元御史臺中制度故事以
大夫中丞侍御史殿中監察主簿錄事分明載次名氏行事
著論一篇叙御史正邪得失進擢誅滅之狀附卷末以為世
戒

陳氏曰自唐初迄開元五年御史姓名行事及官制沿革皆

詳著之第八卷為琬著傳九卷以後為右臺右臺創於武后
廢於中宗歲月蓋不久也未有雜記五十七條
御史臺故事三卷

陳氏曰唐朝集使洛州錄事參軍李構撰

集賢注記二卷

晁氏曰唐集賢學士韋述撰述在集賢四十年天寶丙申擴
置院始末及院中故事修撰書史之次及孝明時學士各氏
頗喜叙事

南宮故事一卷

晁氏曰不題撰人韋述云開元中劉鄭蘭撰劉儒者無著述
方

翰林志一卷

晁氏曰唐李肇撰纂唐世翰林院中供奉儀則制誥書詔之
式其後云睿聖文武皇帝裂海岱十二州為三道之歲蓋憲
宗元和十四年也

承旨學士院記一卷

陳氏曰唐承旨河南元稹微之撰載承旨姓名自貞元二十
一年鄭綱至元和十五年杜元穎并稹為十二人末又有李
德裕李紳韋處厚三人蓋後人所益也

翰林學士記一卷

陳氏曰唐侍講學士萬年韋處厚德載撰

翰林院故事一卷

陳氏曰唐學士京兆韋執誼撰

翰林學士院舊規一卷

翰林學士院舊規一卷

翰林學士院舊規一卷

翰林學士院舊規一卷

陳氏曰唐學士馮翊楊鉅文碩撰雜記院中事例及文書格式其祠祭祀版社稷宗廟上至天地用伏惟尚享岳瀆而降只曰尚享此例今人皆莫之知則施之尊卑無別矣鉅宰相收之子其為學士在昭宗時

重修翰林壁記一卷

陳氏曰唐學士丁居晦撰開元二年也所記姓名迄于咸通而獨無天寶大曆學士為不可曉

翰林盛事一卷

陳氏曰唐張著撰記唐朝儒臣美事凡三十八人

史館故事錄三卷

晁氏曰不題撰人姓名記史館雜分六門迄於五代李獻臣以為後周史官所著

陳氏曰六門曰叙事史例編修直筆曲筆而終之以雜錄未

稱皇朝廣訓則是周朝史官也

翰林續志二卷

晁氏曰皇朝蘇易簡撰易簡在北門最承太宗瞻遇錄元和以後至國朝翰林故事以續李肇之書

金坡遺事三卷

晁氏曰皇朝錢惟演載國朝禁林儀式事迹并學士多氏文元公述真宗禮待儒臣三事附于卷末

陳氏曰題名自建隆至天聖四年凡四十七人自開元而下合三百一十五人其他典故視前記詳矣

翰林雜志一卷

晁氏曰不題撰人輯唐書韋執誼故事元稹承旨壁記韋來

微新樓記杜元穎監院使記鄭璘視草亭記并詩李宗諤題
名記為一篇或云蘇易簡子耆耒其父翰林續志所遺附益
之

陳氏曰蘇耆以其父遭遇恩禮之盛續於其後名次續志
別書金坡遺事一卷

陳氏曰學士澶淵晁迥昭遠撰因錢惟演寄示遺事別書真
宗待遇恩禮三則於其後

翰苑雜記一卷

陳氏曰學士饒陽李宗諤昌武撰

掖垣叢志二卷

晁氏曰皇朝宋庠撰景祐中李宗諤始取國初掌誥名氏刻
之于石自為紀序庠因之成此書王禹玉頗譏其疎略裴廷

裕載舍人上車知印宰相壓角至今傳之為故事而庠書關
焉時為三字

掖垣續志一卷

晁氏曰不詳撰人續宋庠書迄元祐六年十一月陳軒試中
書舍人

御史臺記五卷

陳氏曰不知何人作記本朝御史臺事至崇觀間

嘉祐御史臺記五十卷

晁氏曰右皇朝馮潔已撰御史臺有記始於武后時姚廷筠
其後韓琬韋述嗣有紀著嘉祐中王疇命潔已續之乃上自
太祖建隆之元迄於嘉祐之末凡一百四年分門載其名氏
行事凡三百餘人潔已拯之子也為叙傳兩篇述其父事且

自叙立朝本末云與呂獻可傳欽之趙閱道相善而鄙韓王
汝周孟陽亦可樂見其為人也

新御史臺記

晁氏曰右皇朝宋聖寵編崇寧中聖寵為察官續韓璣書咸
用其規式所異者不為諸人立傳於儀制勅令格式為詳後
人續至紹興九年

御史臺彈奏格一卷

晁氏曰右政和中御史中丞蔣猷奏乞委屬官李彌大將本
臺制勅令格式彈奏事件編成格目六月書成上之

陳氏宰相拜罷錄一卷

晁氏曰皇朝陳繹奉詔編起范質止曾公亮所載拜罷之由
與實錄不同光祐史臣謂繹多出己意

陳氏樞府拜罷錄一卷

晁氏曰陳繹編起魏仁浦止宋綬

宰相拜罷錄二十四卷

陳氏曰史館修撰范冲元長等撰起建隆元年止紹興六年
宰相自范質至張浚執政自趙普至折彥質名記除授年月
訓詞亦略叙在位本末于后

執政拜罷錄十卷

晁氏曰不題撰人自建隆元年止紹興九年按國朝以樞密
院及參知政事為執政改官制後以左右丞兩省侍郎并密
院為執政建炎三年後復用舊制云

國朝輔相年表一卷續一卷

陳氏曰同知太常禮院開封陳繹和叔撰自建隆庚申迄治

平丙午續自丁未迄紹興十四年稱臣易記而不著姓當是李易也時方自給事中奉祠其曰私題臣易之次者其書蓋未必上而私續之耳自後接于嘉定則後人所益也

百官公卿表一百四十五卷

書錄解題作十五卷

晁氏曰皇朝司馬光君實等撰熙寧中光以翰林學士兼史館修撰建議欲據國史旁采異聞叙宋興以來百官除拜劾漢書作表以便御覽詔許之光請宋敏求同修及敏求卒又請趙彥若繼之歷十二年書成

公自序曰唐初職事官有六省一臺九寺三監十六衛十六府之屬其外又有勳官散官勳官以賞戰多散官以褒勤舊故必折馘執俘然後賜勳積資累考然後進階以其不可妄得故當時以為榮及高宗東封武后預政欲求媚於衆始有

沈階自是品秩浸訛朱紫日繁矣肅宗之後四方糜沸兵革不息財力屈竭勳官不足以勸武功府庫不足以募戰士遂并職事官通用為賞不復選材無所愛吝將帥出征者皆給空名告身自開府至郎將聽臨事注名後又聽以信牒授人有至異姓王者於是金帛重而官爵輕矣或以大將軍告身纔易一醉其濫如此重以藩方跋扈朝廷畏之窮極褒寵苟求姑息遂有朝編卒伍暮擁節旄夕解褪衣旦紆公衮者矣流及五代等衰益紊三公端揆之貴施於軍校衣紫執象之榮被於胥史名器之亂無此為甚大宋受命承其餘弊方綱紀大基未暇釐正故臺省寺監衛率之官止以辨班列之崇卑制廩祿之厚薄多無職業其所謂官者乃古之爵也所謂差遣者乃古之官也自餘功臣檢校官散官階勳爵邑徒為

頌文人不復貴凡朝廷所以鼓舞群倫緝熙庶績者曰官曰差遣曰職而已於三者之中復有名同實異交錯難知又遷徙去來常無虛日欲觀其大略故自建隆以來文官知雜御史以上武官閣門使以上內臣押班以上遷除黜免刪其煩冗存其要實以倫類相從以先後相次為百官公卿表云

陳氏曰此書本入職官類以稽古錄序所謂建隆接熙寧臣又著之於百官表即此書蓋與通鑑相與表裏故著之編年類晁志有一百四十二卷未詳

巽巖李氏序曰司馬光以熙寧二年建議請撰宋興以來百官公卿表元豐四年表成凡十卷詔送編修院世莫知其書何如也按光集有百官公卿表總序文官知雜御史以上武臣閣門使以上內臣押班以上其遷出成表見之初不純其

卷第某家藏舊書有所謂百官公卿表者七卷宰相參知政事樞密使副為一卷三師三公左右僕射東宮三師三少賓客為一卷使相宣徽節度留後觀察為一卷尚書丞郎給諫常侍為一卷知開封府三司使學士舍人御史中丞為一卷觀文資政端明樞密侍講讀學士為一卷十二衛上將軍六軍統軍為一卷它官皆止天禧惟宰相執政蓋熙寧疑此表則光等所修也然卷第比實錄所載尚缺其三倫類往往顛倒分錯而總序所稱閣門使及押班以上皆絕不見豈三卷所缺即此表者而傳寫偶失之歟若然則它官除拜俱當以元豐為恨矣不應自天禧以來遽絕筆但詳於宰相執政也且當時修此表歷十二年乃成其久如是其疎略顧如是是必不然當某家舊藏不得其純全耳某誌簿不堪世用頗願

盡力於史學而本朝故事尤切欣慕其既不自料故追繼光
作將以昭明祖宗之盛德大業使衆說咸會于一不敢鑿空
架虛營惑視聽固當事謹其月日如古春秋乃可傳信彼
百官沿革公卿除拜皆事之最大者也年表又安可缺因取
舊七卷亟整治之續編其年至宣和止元符以前皆從實錄
治平而上又參諸正史元符以後不免憑所傳聞國書既非
人間通有辛苦求得之脫簡誤字絕無他本可校於先後次
序諒多抵牾但憑所傳聞則宣和距元符二十五六年茲不
詳此皆其之罪也改而正諸必有所待年表舊止七卷卷第
不均今鑿祈之與其所續編者總一百四十二卷凡所增益
倫類具之目錄其故事則當別見續紀此不重列

按此序則溫公本書上十卷巽巖續編推而廣之為一百

四十二卷晁氏所言乃巽巖續書非溫公本書也陳氏以
為未詳者是未見巽巖之書然又以溫公之書為十五卷
則不知其何所本也

晁氏在巽巖之前安得見其書所謂
一百四十五卷者決非巽巖之書也

職林二十卷

陳氏曰集賢院學士錢唐楊侃撰咸平二年所序有胡昉者
明道二年作後序增益事實七百四十五條而以新續標之
侃端拱進士晚為知制誥避真宗舊諱東名大雅歐陽公其
婿也集中有墓誌

輔弼名對四十卷目錄一卷

晁氏曰皇朝劉顏撰纂西漢迄五代群臣應對之名者汲黯
有天子置公卿輔弼之臣寧冷從諛承意陷主不誼之言顏
取以名其書天聖初馮元為侍講上之顏常為令坐事免由

是詔復其官

職官分紀五十卷

陳氏曰富春孫逢吉彥同撰大抵本職抄而增廣之條例精密事實詳備矣秦少游序之元祐七年也

官制學制各一卷

厚氏曰司馬光撰

唐職林三十卷

陳氏曰石埭尉惟揚馬永錫明叟撰以唐六典為主而附以新史所載事實頗采傳記歌詩之屬政和乙未天台左譽序朝集院須知一卷

陳氏曰無名氏錄承平時京朝官得替回朝見禮式

皇宋館閣五卷

陳氏曰不著名氏所記止於元祐中興館閣書目云祕閣校理宋匪躬撰又云共八門元十五卷存十一卷今本止五卷不見門類前三卷又混而為一意未必全書也

蓬山志五卷

陳氏曰祕書少監劔川羅疇疇老撰凡十五門崇寧四年序

麟臺故事五卷

晁氏曰皇朝程俱撰紹興初復館職首入館纂集舊聞成十二篇予所藏書斷自南渡之前獨此書以載官制後事為詳故錄之

陳氏曰俱在承平時凡三入省故其見聞為詳

中興館閣錄十卷續十卷

陳氏曰祕書監天台陳騏叔進撰淳熙中騏長蓬山與同僚

錄建炎以來事為此書李燾仁父為序續錄者後人因舊文增附之耳

巽巖李氏序曰上世官修其方故物不抵伏後世弗安厥官其方莫修職業因以放失夫方云者書也究其本原事迹及朝夕所當思營者悉書之法術具焉使居是官者奉以周旋雖百世可考爾周官三百六十官各有書小行人適四方則物為一書多至五書蓋古之人將有行也舉必及三惟始衷終依據審諦則其設施斯可傳久六龍駐蹕臨安踰四十年三省樞密院制度尚稽復舊惟三館祕閣歸然傑出非百司比自唐開元韋述所集記注元祐間宋宣獻之孫匪躬作館閣錄紹興改元程俱致道作麟臺故事朱氏皆祖章氏而程氏故事并國初它則多闕蓋未加其有宋錄也惜最後四卷俄空焉余屢蒐采弗獲欲補又弗暇每每太息今所編集第斷自建炎以來凡物巨細靡有脫遺視程氏誠當且密官修其方行古道者不當如是耶昏忘倦游喜見此書乃援筆為之序

翰林群書三卷

翰林遺事一卷

陳氏曰學士承旨番易洪遵景巖自李肇而下十一家及年表中興後題名共為一書而以其所錄遺事附其末總為三卷遺事錄諸書所未及者洪氏父子兄弟四人入翰苑

續史館故事一卷

陳氏曰著作佐郎曲阿洪興祖慶善撰記國朝史館事迹以續舊編

祖宗官制舊典三卷

陳氏曰直龍圖閣東萊蔡惇元道撰大畧以為元豐用官階寄祿雖號正名而流品混淆爵位輕濫故以祖宗舊典與新制參稽互考而論其得失元道文忠公參政齊之姪孫而翰林學士延慶之子渡江卒於涪陵尹和靖焯嘗題其墓

官制舊典正設一卷

陳氏曰無名氏

國朝官制沿革一卷

陳氏曰黃琮元禮撰

職官記一卷

陳氏曰大理少卿蜀人張縝季長撰專載新舊遷轉之異亦以寄祿為未然也以上三家皆附蔡氏書後

官制新典十卷

陳氏曰熊克撰其書以元豐新制為主而元祐之畧加通變宗政之恣為紛更皆具列焉

聖朝職畧二十卷

陳氏曰熊克撰做馬求易唐職林考其廢置因革亦頗采故事摘舊制誥中語附焉其書猶草創未成蓋應用之具也續百官公卿表二十卷質疑十卷

陳氏曰兵部尚書永嘉蔡幼學行之撰續溫公舊書起熙寧至靖康質疑者考異也

職源五十卷

陳氏曰大理司直金華王益之行甫撰亦簡牘應用之書也而專以今日見行官制為主蓋中興以後於舊制多所併省故也

元輔表一卷

陳氏曰龔順正撰專錄宰相不及執政

漢官考六卷

陳氏曰知金州清江徐筠孟堅撰以百官表官制為上而紀傳及注家所載皆輯而錄之

漢官總錄十卷

陳氏曰王益之撰大較亦如前書

縣法一卷

陳氏曰北京留守溫陵呂惠卿吉甫撰曰法令詞訟刑獄簿曆催科給納災傷盜賊勸課教化九十門為縣之法備於此矣雖古今事殊而大體不能越也惠卿小人之推於才術固優然法令居首而教化乃居其末不由俗吏而謂之何哉

縣務綱目二十卷

陳氏曰贛陽劉鵬撰凡四十四門四百七十餘事其說不止於作縣而事關縣務者為多焉元符庚辰序
作邑自歲十卷

陳氏曰李元弼持國撰政和丁酉序

中興百官題名五十卷

陳氏曰監察御史臨川何異同叔撰首卷為宰輔拜罷錄餘以次列之刻浙漕司其後以時增附渡江之初廢務章創諸司間有不可考者多缺之

齊齋臺諫論二卷

陳氏曰尚書雪川倪思正父撰嘉定初更化矯韓氏用事之弊於是為論三篇言為之鷹犬者罪在臺諫已而其弊自若

也則又為續論六篇言其情狀益精詳凡為臺諫之所以得
所以失者至矣盡矣

金國官制一卷

陳氏曰虜雅為大定年所效切取唐及本朝舊制以文其腥
膻之俗馬非馬驢非驢龜茲王所謂羸者耶

